

Dato' Andika

Mendelika

بِسْمِ اللَّهِ الرَّحْمَنِ الرَّحِيمِ

الْحَمْدُ لِلَّهِ رَبِّ الْعَالَمِينَ، وَالْعَاقِبَةُ لِلْمُتَّقِينَ، وَلَا عُدْوَانَ
الْأَعْلَى الْقَضَائِمِينَ، وَالصَّلَاةُ وَالسَّلَامُ عَلَى سَيِّدِ الْمُرْسَلِينَ،
سَيِّدِنَا مُحَمَّدٍ سَيِّدِ الْأَوْلِيَاءِ وَالْآخِرِينَ وَعَلَى آلِهِ وَصَحْبِهِ
الطَّيِّبِينَ الطَّاهِرِينَ وَمَنْ تَبِعَهُ وَنَصَرَهُ إِلَى يَوْمِ الدِّينِ.

Firman Allah

بِسْمِ اللّٰهِ الرَّحْمٰنِ الرَّحِیْمِ

" وَلَا تَلْبِسُوا الْحَقَّ بِالْبَاطِلِ وَتَكْتُمُوا الْحَقَّ وَأَنْتُمْ تَعْلَمُونَ "

Dan janganlah kamu campur-adukan kebenaran dengan yang batil, kamu sembunyikan kebenaran itu, pada hal kamu mengotahuinya."

(Al-Baqarah - Ayat 42)

Krisis adat

Pemilihan Raja Rahim dikatakan
melanggar aturan adat.

MESYUARAT Dewan Keadilan dan Undang Negeri Sembilan minggu lalu menolak pencalonan Raja Rahim Raja Razak sebagai Undang Luak Sungal Ujong yang baru kerana pemilihannya dikatakan melanggar aturan adat.

Nama Raja Rahim dikemukakan oleh Datuk Andika Mendellka, Datuk Fadzil Nordin, yang dikatakan tidak berbincang terlebih dahulu dengan tiga lagi Tlang Balal Luak Sungal Ujong termasuk Datuk Raja, Datuk Azman Jamrus.

Kata Perbilangn 'Adat:-

- 'Adat bersendikan hukum
Hukum bersendikan Kitabullah
Syarak mengata 'adat menurut."

Firman Allah:-

إِنَّا أَنْزَلْنَا إِلَيْكَ الْكِتَابَ بِالْحَقِّ لِتَحْكُمَ بَيْنَ النَّاسِ
بِمَا أَرَادَ اللَّهُ وَلَا تَكُنَ لِلْخَاشِعِينَ خَصِيمًا .

(سورة النما : ايات = 105)

Ertinya:-

- Sesungguhnya Kami telah turunkan Kitab kepadamu dengan membawa kebenaran supaya menghukum antara manusia dengan apa yang telah diwahyukan Allah kepadamu. Janganlah engkau pembela bagi mereka yang khianat."

'ADAT PERPATIH

Ada pun pantun orang tua-tua

Mama-rama sikumbang jati
Lembaga dihilir menunggang kuda
Patah tumbuh hilang berganti
Resaka bergilir pada yang muda

Kilat banyak perkara kilat
Tak ada bertih padi direndang
Takkan bolih dipua lagi
'Adat banyak perkara 'Adat
'Adat Perpatih dipakai Undang
Takkan bolih ditukar lagi

'Adat Perpatih ini ada Undang-Undang dan Peraturannya yang tak bolih diubah-ubah.

Lemah sudah anak tenggiri
Merana sebab takut dik jala
Tambahkan pulak kena dik tuba
Patah tumbuh hilang berganti
Resaka lama dibela jua
Tambahkan pulak 'Adat Lembaga

Tiap-tiap yang hilang itu harus dicari gantinya dengan secepat mungkin mengikut gilir siapa yang patut menggantikannya.

Kalau ber'adat sekali lalu
Sajak berbilang tidak berguru
Banyak fahamnya jadi keliru
Meragut merambah bagai peluru

Betapa pentingnya pengetahuan 'Adat ini untuk difahamkan kemudian mempraktikkannya mengikut peraturan.

Serburu kepadang datar
Dapat rusa belang kaki
Kalau berguru kepalang ajar
Bagai bunga kembang tak jadi.

Jangan melakukan perbuatan yang alang kepalang seperti kata:

" Alang tukang binasa kayu
Alang cerdik binasa 'Adat
Alang 'alien rosak Ugara
Alang sefahaman kacau negeri"

Sebab itu Rukun 'Adat dimaktubkan:-

Sertama Kalam Allah
Sedua Kalam Nabi
Tiga kalam yang tua
Keempat kata muafakat
Kelima bersalasilah
Keenam berteromba.

'Adat harus dikaji, demengerti dan seterusnya dinekmati:

Mari dihawai sehabis rasa
Biar dikeruk sehabis gaung
Faham dikisai maksud diraba
Supaya tujuan bertemu langsung

Rangkapan madah jadi pedoman
Barisan gurindam jadi pegangan
Berlarut usia rapuhnya tidak
Hinggalah kini jadi ' Perbilangan '.

Ungkapan

Yang telah dijadikan
Perbilangan harus di
pakai sebagai Undang
Undang dan peraturan

Dalam mengatasi krisis dan pertikaian Perbilangan 'Adat, ada mengatakan:

Tak ada kusut yang tak dapat diselesaikan
Tak ada keruh yang tak dapat dijernihkan
Kusut rambut cari minyak dan sikat
Kusut benang cari hujung dan pangkal

Semua kekosotan itu
boleh diselesaikan
asalkan saja mereka
mahu menyelesaikannya.

Tiap-tiap sesuatu ada permulaan dan ada kesudahan:

Awal berpermulaan, akhir berkesudahan
Hujan berpokok, kata berpangkal
Sakit bermula mati bersebab
Usul usul , asal asal
Asas jangan ditinggalkan
Asal mengaji dari alif
Asal berbilang dari esa
Yang dikaji dan dibilang ialah:-

'Adat dan pesaka
Ada Waris ada Lembaga
Ada Salasilah dan Teromba
Ada Terasul bilangan Kata-kata

Dalam menentukan pemilihan dikatakan:

Bilat Lembaga menjadikan ' Undang '
'Undang' bertapak dari Warisnya
Gemuk berpupuk, segar bersiram oleh Warisnya

Kelau di Sungai Ujong ia ditentukan:

Jika di Hulu menyandang pesaka
Dato' Johan Tua Warisnya
Jika di Hilir menyandang pesaka
Dato' Maharaja Lela Tua Warisnya

Oleh itu:

Pesaka sama dibela
Lembaga sama dituang
'Adat sama dijaga
Alur sama diturut
Dik 'Adat datar pesaka satu
Beruang-ruang bak durian
Berlopak-lopak bak sawah
Lubuk orang jangan dikacau
'Adat orang jangan dicela
Hak orang jangan diambil
Hak kita jangan "diberikan orang"
(1 1)

'Adat mengatakan:

Sepakat kata selamat
Berdosta pangkal sengketa
'Adat berasaskan pada muafakat
Muafakat berdasarkan pada yang benar
Benar berdiri dengan sendirinya
Yang dinamakan alur dan patut
Tatkala kecil dinamakan muafakat
Tatkala besar dinamakan 'Adat
Teguh 'Adat kerana muafakat
Rosak 'Adat kerana rebutan
Luruh pesaka kerana buatan
Landasan ada diikuti tidak
'Adat Lembaga dialih anjak .

Waris-Waris Perut Hulu ini telah bersengketa sesama sendiri. Pemecatan Dato' Johan telah dibuat oleh Ibu Soko sejak lebih kurang 8 tahun yang lalu.

Dato' Andika masih hendak mengujudkan Pesaka Kelana diHulu. Disegi 'Adat-nya ia tak bolih, sebab Lembaga Waris Kelana Perut Hulu Dato' Johan tidak ujud.

Seterusnya 'Adat berkata:

Kelebihan Nabi dengan Mukjizat
Kelebihan umat dengan muafakat
Air melurut dengan bandarnya
Benar melurut dengan muafakatnya
Negeri bertumbuh dengan 'Adatnya

Dato' Andika Mendelika ta-
nah mengadakan perundingan
dengan Lembaga Waris Kelana
Lembaga Tiga Persukuan. Ini
makna muafakat tak pernah
ujudkan oleh beliau dikala
Lembaga-Lembaga 'Adatnya.

Dalam menyelesaikan sebarang masalah dikatakan pula:

Cari-carian dalam anak buah
Kusut diselesaikan
Salah diberi benarnya
Bertunggul ditarah
Jika kesat dimampelasi
Bila dapat benarnya
Bermakna kata sudah perbuatan habis
Tetapi kalau tak dapat benarnya
Disampaikan kepada ' Undang '
Kok tak ada ' Undang ' disampaikan kepada ' Keadilan '
Kok tinggi mintak disigaikan
Kok keras mintak ditakikkan

Untuk melaksanakan Undang-Undang dan peraturan dikatakan:

Menghukum 'adil berkata benar
Tidak bolih berpehak-pehak
Hukuman 'adil dijalankan
Nan benar dianjak tidak
Hukum berdiri dengan saksi
'Adat berdiri dengan tanda

} Dewan Keadilan mesti berlaku
'adil.
} Saksinya ialah Dato' Shahbandar
'Adat didirikan di Balai Unda

Tak ada benar dicari benar
Bersua benar jangan disiahtkan
Nak mencari benar ikutlah jejak
Ibarat orang memburu
Jejak mendaki menukik
Jejak menurun mendorong
Hilang jejak bersua benda
Bila benar dah bersua tak bolih dielakkan."

Sebab itu dikatakan:

Kelaut menuju alur
Kedarat menuju benar
Siapa yang tak menuju benar
Dikutuk dik 'Adat, dilaknat dik syarak
Sebab 'Adat bersendikan hukum
Hukum bersendikan Kitabullah
kuat 'Adat tak gaduh hukum
Kuat hukum tak gaduh 'Adat
Syarak mengata 'Adat menurut
'Adat menimbulkan yang baik, menghilangkan yang buruk
Syarak menyuruh buat baik menegah buat mungkar

Maksud ' menimbulkan yang baik '

Yang usang diperbaharui
Yang elok dipakai
Yang buruk dibuang
Yang condong ditupang
Yang lapuk dikajangi
Kok singkat minta diulas
Dan umpang minta disisit
Kalau makan biarlah yang halal
Kalau memakai biarlah yang suci
Melihat contoh pada yang lampau
Melihat tuah pada yang menang "

Maksud menyuruh buat baik, menegah buat mungkar

Firman Allah:

" Hendaklah ada diantara kamu umat yang menyeru ke-
pada kebaikan menyuruh membuat 'amal ma'aruf dan melarang
dari membuat mungkar. Dan mereka itulah orang-orang yang
werolih kemenangan".

(Al-Imran - Ayat 104)

" Dan janganlah kamu campur-adukan kebenaran dengan yang batil, kamu sembunyikan kebenaran itu, pada hal kamu mengetahuinya".

(Al-Baqarah - Ayat 42)

* Jika dua gulungan orang-orang Mukmin bertelagah (berperang) hendaklah kamu damaikan antara keduanya. Maka jika salah satu diantara keduanya iniaya kepada yang lain hendaklah kamu tentangi gulungan yang iniaya itu sehingga ia kembali kepada jalan Allah. Jika ia kembali hendaklah damai antara keduanya dengan ke'adilan dan hendaklah kamu berlaku 'adil. Sesungguhnya Allah mengasihi orang - orang yang 'adil.

(Al-Hujarat - Ayat 9)

XXXXXXXXXXXXXX

XXXXXXXXXX

XXX

X

بِسْمِ اللّٰهِ الرَّحْمٰنِ الرَّحِیْمِ

" وَإِنَّ طَآئِفَتَيْنِ مِنَ الْمُؤْمِنِينَ اقْتَتَلُوا ، فَأَصْلَحُوا بَيْنَهُمَا ،
فَإِنْ بَغَتْ إِحْدَاهُمَا عَلَى الْأُخْرَى ، فَقَاتِلُوا الَّتِي تَبْغِي
حَتَّى تَبْغِيَ إِلَىٰ آلِ الْأَمْرِ لِلَّهِ ، فَإِنْ فَاَتَتْ فَأَصْلَحُوا بَيْنَهُمَا
بِالْعَدْلِ وَأَقْسَطُوا ، إِنَّ اللَّهَ يُحِبُّ الْمُقْسِطِينَ . "

- 1 -

SENARAI NAMA-NAMA UNDANG LUAK SUNGAI UJONG
DATO' KELANA PETRA

KELANA BADOR	: TAHUN 1760	- PERUT KG. DUSUN - HULU
KELANA LEHA	: TAHUN 1780	- PERUT KG. DUSUN - HULU
KELANA BAHU	: TAHUN 1800	- PERUT SETOL - HILIR
KELANA KAWAL	: TAHUN 1830	- PERUT KG. DUSUN - HULU
KELANA SENDENG	: TAHUN 1850	- PERUT KG. DUSUN - HULU
KELANA SYD. ABDUL RAHMAN	: TAHUN 1872-1881	- PERUT SETOL - HILIR
KELANA MOHD YUSOF	: TAHUN 1881-1889	- PERUT SETOL - HILIR
KELANA MA'AMOR	: TAHUN 1889-1945	- PERUT KG. DUSUN - HULU
KELANA MOHD KASSIM	: TAHUN 1945-1983	- PERUT KG. GEDANG - HILIR

NOTA:

Perut Hulu telah menyandang pesaka Kelana 5 kali

Perut Hilir telah menyandang Pesaka Kelana 4 kali

Berpandu kepada senarai yang tertera diatas dalam ma-
alah penentuan giliran pesaka Kelana Luak Sungai Ujong tidak
emestinya sekali ke Hulu dan sekali kehilir malah ia boleh dua
kali ke Hulu dan dua kali ke Hilir.

Oleh itu dalam menentukan giliran pesaka Kelana Yang
ini mengikut 'Adatnya amat wajar dan tepat sekali ia digi-
irkan ke Hilir iaitu mengikut sebagaimana contoh giliran yang te-
at berlaku dimasa-masa yang lampau (sila lihat senarai diatas).

Selain dari itu ialah untuk menimbangkan supaya gi-

liran pesaka itu dapat dirasai sama rata/itu 5 kali ke Hulu dan 5 kali ke Hilir. Sebab-sebab yang lain pesaka itu tidak dibolihkan dibawa ke Hulu ialah :-

1. Perut di Hulu ketiadaan Tua Buapak Waris Kelana iaitu Dato' Johan.
2. Waris-Waris di Hulu masing-masing berlepas tangan tidak memelihara pesaka ' Dato' Johan ' ertinya pesaka kecil tidak diwujudkan bagaimana pula hendakkan pesaka yang lebih besar iaitu ' Pesaka Undang ' .
3. Mengikut 'Adatnya Dato' Johan telah tertanam bersama Al-Marhum Dato' Kelana Mohd Kassim olih sebab kesalahan dan kesilapan Waris-Waris di Hulu sendiri kerana tidak mahu menghidupkannya semasa hayat Al-Marhum itu masih ada. Seinggalah peluang terakhir diberikan kepada mereka Waris-Waris di Hulu untuk menghidupkannya kembali dimalam terakhir Jenazah Al-Marhum Dato' Kelana Mohd Kassim masih bersemadi di Balai Undang sebelum penyempurnaan Istiadat pengebumian dilangsungkan sepenuhnya pada keesokan harinya.
4. Dalam peraturan 'Adat untuk mengujudkan kembali pesaka Dato' Johan yang telah tertanam terpaksa menantikan ujudnya Undang yang baharu. Mengikut 'Adat Undang saha-ja yang bolih menghidupkannya.

Perbilangannya ada mengatakan, "

Sah batal kepada Lembaga

Hidup mati kepada Undang "

Sepatutnya Dato' Andika Mendelika mesti mengikut peraturan ini. Undang tidak bolih diwujudkan di Hulu pada kali ini disebabkan Tua Buapak Waris Kelana Perut Hulu iaitu ' DATO' JOHAN ' tidak ujud untuk memelihara pesaka itu.

5. Atas sebab-sebab pesaka di Hulu telah rosak dan kerosakan itu adalah berpunca dari krisis krisis yang berlaku dikalangan mereka sejak awal-awal lagi iaitu sejak Dato' Johan Razali bin Khalid dipecat dari jawatannya oleh Ibu Soko Waris Hulu lebih kurang 8 tahun yang lalu. Dalam beberapa kerapatan Waris-Waris Hulu tidak mendapat kebulatan untuk menyelesaikan masalah mereka. Mereka sering berbalah, bertelagah dan bertengkar setiap kali mengadakan perjumpaan. Inilah yang dikatakan kecacatan dan kerosakan dalam Adat. Jika dibiarkan persengketaan ini berterusan ia akan bertambah rumit. Sebab itulah Pesaka Kelana Yang Ke-10 ini wajib dibawa ke Hilir.


Dalam membawa pesaka ini ke Hilir oleh Dato' Maharaja Lela sebagai Lembaga Waris Kelana (Perut Hilir) bukanlah bererti beliau merampas pesaka itu. Malah hanya sekedar untuk menyelamatkannya ; kerana dalam mengatasi sebarang masalah yang timbul dikalangan Waris-Waris sama ada Hulu mahu pun Hilir diwaktu ketiadaan salah seorang Lembaga Waris Kelana Sungai Ujong, maka Lembaga Waris Kelana yang ujud sahaja yang boleh mengambil alih tugas yang seorang lagi.

Oleh itu sudah sewajarnya Dato' Maharaja Lela sebagai Lembaga Waris Kelana Perut Hilir melaksanakan tugasnya dimana dengan ketiadaan Dato' Johan membolehkan beliau bertindak demikian.

Sayugia diingat iaitu dalam pemilihan Undang Luak Sungai Ujong ini ada peratarannya. Pada dasarnya pemilihan ini adalah ditangan Waris-Waris dan Ibu-Ibu Soko. Dato' Andika Mendalika tidak berhak memilih dan menentukan calon mengikut sesuatu hatinya selain dari calon yang diproses melalui Lembaga Waris Kelana sama ada Hulu mahu pun Hilir yang menerima mandat dari Ibu-Ibu Soko serta Waris-Waris. Calon calon itu kemudiannya diujukkan kepada Dato' Dato' Lembaga Tiga Persukuan. Dalam perantaraan perlantikan Undang Luak Sungai Ujong ini peranan Dato' Dato' tiga persukuan ini amat mustahak kerana mereka akan me-

nampi dan memilih benih untuk mencari benih yang baik yang sah dalam Waris yang tertentu serta dapat pula disusur galur keturunannya, iaitu benih yang mempunyai tunas tumbuh dimata dan bukannya tunas tumbuh dirusuk.

RAJAH (1)



Olih kerana ' Undang ' itu tunggak kebesaran umpama mata air yang mengalir maka hendaklah ada salurannya, disiasat selidik dari akar umbinya. Sebab 'Undang' itu bertapak dari Warisnya dan bersandar kepada Lembaga-Lembaganya. Rujuk kembali muka (2) dalam buku ini akan perbilangan yang berbunyi:-


" Usul usul, asal asal
Asas jangan ditinggalkan
Asal mengaji dari alif
Asal berbilang dari esa
Yang dikaji dan dibilang ialah,"
'Adat dan pesaka
Ada Waris , ada Lembaga
Ada Salasilah dan Teromba
..... "

Meneliti akan peraturan dan Perbilangan ini kita dapati perkataan-perkataan (1) 'Adat ertinya 'Adat Perpatih . (2) Pesaka ertinya Pesaka Kelana (3) Waris ertinya Waris Kelana (4) Lembaga ertinya Lembaga Waris Kelana (5) Salasilah ertinya Rajah menentukan susur-galur keturunan (6) Terombo ertinya Himpunan sejarah 'Adat Sungai Ujong .

Olih itu memperkatakan pertikaian perlantikan Undang Luak Sungai Ujong ini amatlah tepat pada 'Adatnya Dato' Andika Mendelika sebagai salah seorang Lembaga Tiang Balai tidak bolih menolak calon yang dikemukakan oleh Dato' Maharaja Lela sebagai Lembaga Waris Kelana yang telah merundingkannya dengan Lembaga Tiga Persukuan bahawa calon yang dikemukakan oleh Lembaga-Lembaga yang sama-sama mempunyai bidang kuasa dalam menentukan calon adalah, mengikut 'Adat dan pesaka, mengikut Waris dan Lembaga yang dikenali Lembaga Waris Kelana.

Sepatutnya Dato' Andika Mendelika sebelum mengambil tindakan lanjut terlebih dahulu membincangkannya dengan Lembaga Waris Kelana ini dengan dihadziri oleh Lembaga-Lembaga Tiga Persukuan (lihat rajah (2)). Tetapi Dato' Andika Mendelika menolak segala perundingan. Pada dasarnya beliau telah menyalahkan peraturan .

RAJAH (2)



Pada hakikatnya Dato' Andika Mendelika sudah meninggalkan 'Adat. Dato' Andika Mendelika tidak lagi mewakili Dato' Dato' Lembaga 'Adat ditempat 'Adat itu bertapak. Beliau menyendiri dalam melaksanakan tugas-tugas 'Adat khusus dalam menyempurnakan kejadian Undang Luak Sungai Ujong Yang ke-10 ini.

Kerudukan Dato' Andika Mendelika dipersoalkan

Dalam 'Adat seseorang yang menjadi ketua itu di-angkat ialah kerana ia telah diberi kepercayaan. Ia besar kerana dibebankan dan ia berkuasa kerana diberi kuasa. Tumbuhnya ditanam, seluruhnya dipupuk dan segarnya disiram. Tetapi jika sekiranya ia tidak lagi dipercayai dan diberi kuasa oleh mereka yang memekongnya dimanakah tempat ia berjejak ? Kepada siapa khidmat yang akan disumbangkannya ? Dan tugas apa pula yang akan dilakukannya ?

Demikianlah halnya dengan kerudukan Dato' Andika Mendelika. Beliau menganggap dirinya amat penting dalam melaksanakan tugas-tugas 'Adat tetapi perbuatan dan tindak-tanduknya membuat beliau tidak penting atas sebab-sebab:-


1. Beliau telah jauh meninggalkan Dato' Dato' Lembaga 'Adatnya serta anak-anak buah.
2. Sebagai seorang Dato' Lembaga 'Adat beliau langsung tidak mengadakan kerapatan dan muafakat dengan Lembaga Waris Kelana iaitu Dato' Maharaja Lela dan Dato' Dato' Tiga Persukuan untuk membincangkan perkara perlantikan 'Undang'.
3. Dato' Andika Mendelika didapati tidak menjalankan amanah yang telah diamanahkan kepadanya walau pun telah diberi kuasa selama 100 hari sebagai 'Pemangku Undang' bagi menyempurnakan perlantikan 'Undang' mengikut peraturan 'Adat Luak Sungai Ujong.
4. Beliau didapati sengaja melambat-lambatkan perlantikan ' Undang ' kerana untuk kepentingan dirinya mencari laba.
5. Beliau membuat komplotnya sendiri dengan dianggotai hanya oleh Dato' Akhir Zaman (yang telah dipecat oleh Waris-warisnya dan disahkan pemecatannya oleh Dato' Shahbandar). Beliau meninggalkan dua lagi Lem-

laga Tiang Balai iaitu Dato' Sri Maharaja Diraja dan Dato' Muda Labu.

6. Beliau tidak mahu bekerjasama dengan Dato' Shahbandar dalam mengatasi sebarang masalah perlantikan 'Undang' seumpama dalam cadangan mengadakan kerapatan Mengokoh 'Adat' pada 7hb. September, 1985 di Balai Undang Luak Sungai Ujong. Sebenarnya kerapatan itu telah dipersetujui oleh Dato' Dato' Lembaga Waris di Darat yang diketuai sendiri oleh Lembaga Waris Kelana iaitu Dato' Maharaja Lela.
7. Perbuatan Dato' Andika Mendelika mengunci pintu Balai Undang adalah satu perbuatan yang tak bertanggung-jawab dan tidak menghormati peraturan 'Adat kerana perjumpaan yang dicadangkan pada waktu dan tarikh tersebut adalah atas permintaan Waris-Waris dan Lembaga 'Adat untuk mencari kata muafakat.
8. Dato' Andika sendiri bukanlah 'Undang' dan tidak juga sebagai 'Pemangku Undang.' bahkan tarafnya sama sahaja dengan Lembaga-Lembaga Tiang Balai yang lainnya yang akan hadir dalam kerapatan itu. Dari segi 'Adat perbuatan Dato' Andika Mendelika itu adalah membuktikan sikap angkuh dan besar diri yang tidak sewajarnya ujud dalam diri seseorang Ketua 'Adat. Beliau seolah-olah langsung tidak mahu kerapatan itu diadakan. Sikap tidak bertanggung jawab beliau dalam mencari penyelesaian dengan menghalang kerapatan yang akan dihadiri oleh Dato' Shahbandar sebagai penasihat bagi membincangkan masalah-masalah yang timbul diantara Dato' Dato' Lembaga 'Adat Waris di Darat yang diketuai oleh Dato' Maharaja Lela sebagai Lembaga Waris Kelana dengan Lembaga-Lembaga Tiang Balai adalah sikap yang bercanggah sama sekali dengan peraturan 'Adat Istiadat.

Peraturan 'Adat sebenarnya telah menentukan bahawa peranan Lembaga Tiang Balai itu sebenarnya adalah diumpamakan sebagai tiang untuk menegakkan ke'adilan. Lembaga Tiang Balai juga adalah berperanan untuk menentukan benih sebagai calon

RAJAH (3)



'UNDANG' benar-benar telah dipilih mengikut saluran 'Adat' yang ter'adat sebagaimana yang dikatakan:-

" Berjenjang naik
Bertangga turun ".

...aya peraturannya dapat dilaksanakan dengan lincin tanpa per-

balahan mahu pun penyelewengan mengikut peraturan yang termak-
tub dalam Undang-Undang Tubuh Kerajaan Negeri Sembilan 1959 ,
Bab 5 - 1 ceraiian 14 (1) yang berbunyi:-

- " Undang Luak Sungai Ujong, Undang Luak Jelebu, Undang
Luak Johol dan Undang Luak Rembau hendaklah orang,-
orang yang dipilih dengan sahnya menurut 'Adat Luak
mereka masing-masing ".

Olih itu adalah menjadi tugas dan tanggung-jawab Dato
Dato' Lembaga Tiang Balai yang lainnya untuk menasihatkan Dato'
Andika Mendelika jika didapati beliau tidak menyempurnakan per-
aturan dan jika perlu mereka berhak menegur Dato' Andika Mende-
lika andainya perbuatan dan tindakan Dato' Andika Mendelika di-
dapati bercangah dengan peraturan 'Adat. Janganlah seperti Da-
to' Akhir Zaman (yang telah terpecat) dan Dato' Dagang Paroi
yang telah bersubahat menghantar calon ' Undang ' ke Dewan Ke-
'adilan tanpa mengikut saluran iaitu meninggalkan Dato' Shahban
dar dan Lembaga Waris Kelana iaitu Dato' Maharaja Lela yang sa-
ma-sama mempunyai tugas dan tanggung-jawab dalam bidang kuasa
dan kedudukan masing-masing. Tetapi walau bagaimana pun calon
yang dikemukakan oleh Dato' Andika Mendelika telah ditolak oleh
Dewan Keadilan kerana dikatakan telah melanggar peraturan 'Adat.

Perbuatan sumbang Dato' Andika Mendelika tidak hanya
diperengkat Dato' Dato' Lembaga 'Adat Waris diDarat bahkan ia
berlaku juga diperengkat Lembaga Tiang Balai iaitu dengan me-
ninggalkan juga Dato' Sri Maharaja Diraja dan Dato' Muda Labu.

Demikianlah telatah Dato' Andika Mendelika jika mengi-
kut 'Adatnya beliau adalah dianggap sebagai ' Orang Beradat tak
tahu akan 'Adatnya '. Sebagai Pengurus Lembaga Tiang Balai ti-
dak mahu menegakkan 'Adat ditempat 'Adat itu berdiri malah me-
langgar pula pantang larangnya sebagaimana yang dikatakan:-

- " Mudik mengacau
Menghilir melonjak
Menyukai laba dan tamak
Membuat dosa besar

Mengeruhkan air nan jernih
Mengusik 'alam nan selesai
Menangguk di air keruh
Menahan jerat ditempat genting".

Perbuatan Dato' Andika Mendelika ini mengakibatkan anak-anak buah berpecah-belah. Dato' Dato' Lembaga 'Adat Waris Waris di Air dan di Darat bersengketa sama-sama sendiri sehingga tak sudah-sudahnya mereka berbalah dan bertelagah, caci mencaji antara satu sama lain. Kekosongan jawatan 'Undang' menjenguk rasa lebih dari dua tahun. Apabila diteliti dengan secara lebih mendalam ia adalah disebabkan oleh perbuatan dan tindakan liar oleh Dato' Dato' Lembaga Tiang Balai Waris di Darat sendiri yang diterajui oleh Dato' Andika Mendelika sebagai Tiang Balai Utama yang sepatutnya menjadi orang tengah menyelesaikan masalah tetapi apa yang berlaku adalah sebaliknya beliau dan seorang lagi rakannya yang menimbulkan masalah menggunakan kekuasaan untuk kepentingan diri.

Selain dari itu beliau dalam masa memangku jawatan sebagai 'Pemangku Undang' lebih kurang empat bulan lamanya telah menunjukkan sifat-sifat keangkuhannya. 'Akalnya telah dipengaruhi oleh nafsunya. Perasaan besar diri mula bercambah dalam jiwanya. Lagaknya sudah lagak Undang, berbahasa sudah bahasa Undang iaitu berbeta dan bersahabat beta. Beliau cuba meyakinkan sebahagian dari anak-anak Waris bahawa beliau berhak diiktiraf sebagai tunggak Waris yang teratas sekali tanpa menyedari bahawa kuasanya adalah terhad. Ia dihadkan oleh peraturan adat yang ada tempuh masanya.

Nampaknya semakin ghibiarkan beliau semakin menjadi, tak kata orang beri betis hendak peha. Padahal soal perlantikan Undang adalah soal kedua soal pertama berapa lama aku boleh duduk ditempat ini? Hatinya amat ghairah pada nekmata yang belum pernah dirasanya. Bahkan kasihnya kepada tempat duduk ditilam cukup di Balai Undang lebih mengatasi kasihnya kepadamanah dan semua sebagai penyelaras 'Adat yang telah dipertanggungjawabkan kepadanya oleh Lembaga-Lembaga 'Adat Waris di Darat yang

diketuai oleh Dato' Maharaja Lela sebagai Lembaga Waris Kelana.

Dato' Maharaja Lela dan Dato' Dato' Lembaga Tiga Persukuan yang memberikan beliau kuasa disingkirkannya dari meja perundingan. Berunding bagi Dato' Andika Mendelika berarti menggagalkan cita-citanya untuk terus mendapat laba dan nikmat. Niat hati biarlah persengketaan ini berkekalan dan berlanjutan sehingga dengan tidak segan silu beliau menghardirkan dirinya di beberapa istiadat upacara negeri yang membuatnya bertambah angkuh dan yakin untuk terus memungku dan kalau bolih untuk terus menjadi Undang Luak Sungai Ujong Yang ke-10 sebagaimana yang dibayangkan oleh waris Dato' Andika Mendelika bahwa Perut Dato' Andika Mendelika pun bolih menuntut Pesaka Undang kononnya.

Sebagai tunggak Lembaga 'Adat Utama di Luak Sungai Ujong tidakkah Dato' Andika Mendelika terfikir bahwa 'Adat telah menetapkan 'Undang' adalah hak Warisnya (Waris Kelana). Ia ada mempunyai Tua Lembaganya iaitu Dato' Maharaja Lela dengan sokongan Lembaga Tiga Persukuannya. Setekad ini sehingga mana keberkesanan tindakan Dato' Andika Mendelika terhadap Lembaga-Lembaga berkenaan khususnya Lembaga yang Tiga yang mengikut usul asalnya sebagaimana yang disebutkan dalam Perbilang 'Adat :-

" Menebang kayu nan sebatang
Mencanteh akar sehelai
Melambuk tanah sebunkah
Membuka belah negeri berpenghulu".

Dan sehingga mana pula kuasa yang ada pada Dato' Andika Mendelika bolih sewenang-wenang beraja dihati bersultan dimata untuk mengeneipkan peraturan yang sudah sedia ada ?

Yang berturas berteladan
Berlukis berlembaga
Bertunggul berpemarasan
Mencencang berlandasan

Melompat bersetumpuan
Yang sebaris tak kan hilang
Yang setitik takkan padam
Nan diucap dipakai
Nan dipesan dibiasakan " .

Beliau seharusnya sedar bahawa keutuhan peraturan adat di Luak Sungai Ujong ini sudah sekian lama berjalan tanpa gangguan oleh mana-mana Lembaga 'Adatnya. Tidak ada sesiapa yang cuba memperkecil kedudukan Dato' Dato' Lembaga 'Adatnya sebagaimana yang dilakukan oleh Dato' Andika Mendelika terhadap Lembaga Waris Kelana dan Lembaga Tiga Persukuan yang sama-sama berhak menegakkan 'Adat dan menjaga ketenteraman Luak ini yang diselaraskan dari Perbilangan 'Adat yang berbunyi :-

"Adat bersaudara saudara dipertahankan
'Adat berkampung kampung kampung dipertahankan
'Adat bersuku suku dipertahankan
'Adat berlembaga Lembaga dipertahankan
'Adat bernegeri negeri dipertahankan " .

Maknanya dipertahankan dari gejala-gejala buruk dan anasir-anasir yang tidak diingini yang akan merosakkan 'Adat itu. Seperti tindakan beliau memperkecil kedudukan Lembaga-Lembaga 'Adatnya. Alur tidak diikutnya. Benar ditinggalkan pula . Kemurnian dan kesucian 'Adat cuba diperkosa. Kekuatan muafakat Dato' Dato' Lembaga 'Adat yang mempertahankan 'Adat cuba diduganya tanpa mengambil kira bahawa kekuatan dan kemufakatan mereka amat padu, lebih padu daripada kuasanya sebagai Lembaga Tiang Balai Utama yang bolih dianggap telah kecondang dalam usahanya mencabul 'Adat . Ia di - kecondangkan oleh perbuatan curang dan sifat angkuhnya dan bolihlah disifatkan beliau pada hari ini ibarat :-

" Ayam jantan jaguh direban
Kokok berderai
Ekor bergelumang tahi " .

Segala tindak tanduknya telah menjadi tatapan umum dilembaran-lembaran akhbar. Semua orang tahu siapa Dato' Andika Mendelika yang sebenarnya. Seorang Dato' Lembaga 'Adat yang se-ngaja mencari jalan melengah-lengahkan perlantikan 'Undang' dengan tujuan berudang dibalik batu, atas hasrat mencari laba, panjang akar untuk melilit, godang nak melanda. Biar pun beliau telah diturunkan kembali tarafnya sebagai seorang Lembaga Tiang Balai yang sama kedudukannya dengan Lembaga Lembaga Tiang Balai yang lainnya; namun lagak masih ada kerana laba yang diperolihnya selama ini telah menjaminnya.

Tetapi walau bagaimana pun lambat laun kedudukannya akan dipersoalkan juga. Sama seperti mempersoalkan kedudukan seorang rakan karibnya dalam 'Adat iaitu Dato' Akhir Zaman Rantau (En. Salihan yang sudah terpecat) dan telah menerima padah diatas tindakannya membelakangkan 'Adat. Dalam 'Adat perbuatan Dato' Akhir Zaman ini adalah diumpamakan "Lalu menghangus, surut layu dan patah berkubang". Ertinya mencacatkan 'Adat maka berlakulah apa yang dikatakan "Orang ber'adat, tak tahu akan 'Adatnya maka luruhlah pesakanya". Maknanya dengan lain perkataan "Salah bertimbang, kufur bertaubat tidak dapat dilakukan lagi.

Inilah yang dikatakan:-

" Kain rabak tegal dik lenggang awak
Baju koyak tegal dik lenggok awak
Kopiah pesuk tegal dik lonjak awak
Pesaka luruh tegal dik salah awak "


H (4)

TEORI
LEMBAGA MENJADIKAN UNDANG-
UNDANG BERTAPAK DARI WARISNYA

DATO'
SHAHBANDAR

KEPUTUSAN

LEMBAGA
TIANG BALAI



KEPUTUSAN

LEMBAGA WARIS KELANA



1. Dato' Andika Mendelika
2. Dato' Sri Maharaja Diraja
3. Dato' Mada Labu
4. Dato' Dagang Paroi
5. Dato' Maharaja Lela
6. Dato' Menteri
7. Dato' Raja Dimuda
8. Dato' Maharaja Inda


KEPUTUSAN

IBU SOKO

IBU SOKO

WARIS HULU


WARIS HULU



LEMBAGA TIGA PERSUKUAN

RAJAH (5)

Cuba perhatikan kedudukan Dato' Andika Mendelika dan Dato' Dagang Paroi, kebawah tak jejak keatas tak sampai. Sebenarnya mereka tidak bertapak dari Waris Kelana dan tidak juga melalui Dato' Shahbandar, sebab itu calun yang dikemukakan mereka ditolak oleh Dewan Keadilan.



UNDANG BERTAPAK DARI WARISNYA

Dalam 'Adat di Sungai Ujong ini kalau kedudukan Dato' Andika Mendelika yang telah banyak mendatangkan masalah itu turut dipertikaikan sebagaimana Waris-Waris dan Dato' Lembaga 'Adat di Rantau (Waris di Air) mempertikaikan kedudukan Dato' Akhir Zaman mereka yang telah pun luruh pesakanya kerana mencacatkan 'Adat maka dalam masaalah melaksanakan perlantikan Undang Luak Sungai Ujong Yang Ke-10 ini pada 'Adatnya sekali pun tanpa Dato' Andika Mendelika ' Undang ' masih boleh dilantik. Satu contoh lagi umpamanya di Luak Johol tanpa Dato' Jenangnya Undang Luak Johol terus diisytiharkan sebagai Undang yang sah mengikut 'Adat di Luak itu. Ianya hanya dilakukan oleh Ibu Waris sahaja. Apalagi di Sungai Ujong ini tiga dari Lembaga Tiang Balai nya masih berfungsi untuk menyokong menogakkan 'Adat.

Peraturan sudah ada , calon dikemukakan oleh lembaga Waris Kelana, iaitu Dato' Maharaja Lela yang telah mendapat persetujuan dari Lembaga Tiga Persukuan, kemudian diselaraskan oleh Lembaga Tiang Balai yang tiga lagi dan direstui oleh Dato' Shahbandar.


Oleh itu adalah diharapkan pihak-pihak yang berkenaan khususnya Dewan Keadilan dan Undang dapat menyelesaikan masaalah ini. Perlantikan Undang Luak Sungai Ujong harus disegerakan mengikut lunas-lunas yang diluluskan oleh Adat yang sepatutnya melalui beberapa proses penapisan supaya calon yang bakal menyandang pesaka Kelana ini benar-benar layak , ia mesti disiasat selidik keturunannya dari Waris yang berhak mengikut gilir dan alur dari Soko yang berpesaka yang hanya dapat ditentukan oleh Lembaga Warisnya iaitu Lembaga Waris Kelana.

XXXXXXXXXXXXXXXXXXXX
XXXXXXXXXX
XXXXX
X

SALASILAH
DARI TROMBO SUNGAI UJONG

- 24 -

(MUKA SURAT 44)



Nota: Dato' Kelana Yang Ke-10 ini mengikut Dato' Dato' Lembaga Tiga Persukuan sebagai penyuluh 'Adat dan Dato' Maharaja Lela sebagai Lembaga Waris Kelana adalah jatuh kepada Raja Azman dan Raja Amir mengikut Salasilah di-atas.

Apa yang agak menarik dalam krisis yang berlaku di Luak Sungai Ujong ini ialah di atas perbuatan dan tindakan tokoh-tokoh ketua 'Adatnya sama ada di Air mahu pun di Darat sepatutnya merekalah yang melaksanakan tugas dan tanggung-jawab sepenuhnya untuk melaksanakan peraturan 'Adat yang teradat di Luak ini.

Seumpama krisis Waris di Air bagi mengisi kekosongan jawatan Dato' Shahbandar Sungai Ujong yang menjadi punca pertelingkahan adalah disebabkan oleh Tua Lombaganya Dato' Sri Maharaja Diraja iaitu Dato' Abd. Razak bin Mohd Jani telah menyendirikan mengemukakan calonnya tanpa melalui peraturan dan mendapat kebulatan dari anak-anak buah dan sebilangan Lembaga-Lembaga Waris di Air. Malah Dato' Sri Maharaja Diraja sendiri sebagaimana yang diketahui umum tak dapat membulatkan seluruh anak buahnya sehingga membuatkan mereka menghantar bantahan kepada Undang Luak Sungai Ujong. Setelah dikaji secara 'Adatnya maka Undang Dato' telah menolak calon yang dikemukakan oleh Dato' Maharaja Diraja itu atas sebab-sebab ia tidak dilaksanakan mengikut lunas-lunas dan peraturan 'Adat.

Bagitu juga halnya dengan calon 'Undang' dimana penyalunannya dibuat sendiri oleh Dato' Andika Mendelika sebagai Lembaga Tiang Balai tanpa mengikut peraturan maka Dewan Keadilan dan Undang juga telah menolak calon itu.

Oleh sebab kegagalan Dato' Sri Maharaja Diraja dalam usahanya supaya calonnya diterima dan diiktiraf oleh pihak-pihak yang berkenaan maka beliau menggunakan kuasanya sengaja melengah-lengahkan perlintakan Dato' Shahbandar. Tetapi oleh kerana kebijaksanaan Al-Marhum Dato' Kelana Mohd Kassim maka perlintakan Dato' Shahbandar dapat dilaksanakan mengikut peraturannya sekali pun ia ditentang oleh Dato' Sri Maharaja Diraja sebagai Tua Lembaga Waris di Air dan juga Lembaga Tiang Balai Sungai Ujong.

Bagitu juga halnya tindakan yang sama dilakukan oleh Dato' Andika Mendelika sebagai Tua Lembaga Waris di Darat dan Lembaga Tiang Balai Sungai Ujong nampaknya beliau cuba main si lap mata dengan melengah-lengahkan proses pemilihan Undang Luak Sungai Ujong yang baru dengan mengemukakan calonnya sendiri tanpa mengikut peraturan 'Adat serta tidak mendapat kepercayaan dari semua pihak Lembaga-Lembaga 'Adat yang terlibat. Pada anggapan beberapa orang Dato' Dato' Lembaga 'Adat dan juga tokoh-tokoh pendukung 'Adat di Luak Sungai Ujong ini menyipatkan bahawa beliau sebagai penghalang dalam usaha mengisi kekosongan jawatan 'Undang Luak Sungai Ujong' yang telah pun menjengkau masa lebih dari dua tahun.

Raja Abdul Rahim diisytiharkan sebagai Datuk Kelana Kesepuluh dalam satu istiadat yang berlangsung di Telaga Undang, Batu 9 Pantai, dekat sini, 8 Mac lalu.

Istiadat itu ditaja oleh Datuk Fadzil dan Datuk Mohd Nor berserta dua lagi Datuk Lembaga Tiang Balai Lama iaitu Datuk Seri Maharaja Diraja Haji Abdul Razak Mohd Jani dan Datuk Akhir Zaman Rantau Salehan Ismail.

Bagaimanapun, perlantikan Raja Abdul Rahim tidak diktiraf oleh Datuk Shahbandar Luak Sungai Ujong, Datuk Shahari Haji Hassan serta anak-anak waris Tasak dan Ibu-Ibu Soko, waris di Darat.

Sementara itu, Berita Harian difahamkan bahawa anak-anak waris dan Ibu-Ibu Soko yang membantah perlantikan Raja Abdul Rahim akan mengadakan satu kerapatan khas tidak lama lagi bagi membincangkan tindakan susulan mereka.

Mereka juga dipercayai akan membincangkan langkah yang perlu diambil jika Datuk Fadzil dan Datuk Mohd Nor enggan menyertai urusan pemilihan Datuk Kelana kesepuluh nanti, seperti yang diarahkan oleh Dewan.

Mengikuti perkembangan krisis perlantikan ' Undang ' Luak Sungai Ujong Yang Ke-10 ini yang menghadapi berbagai-bagai rasa'alah ramai yang berpendapat dan bersetuju bahawa ia adalah disebabkan oleh beberapa faktor seperti yang disebutkan di bawah ini:-

1. Kerana melanggar peraturan (orang beradat tak tahu akan 'Adatnya).
2. Penyelewengan Dato' Dato' Lembaga 'Adatnya sendiri.
3. Ada yang masih tidak faham akan perjalanan 'Adat itu.
4. Tidak mempraktikkan susur-galur yang menjadi teras kepada 'Adat.
5. 'Adat diketepikan kerana kepentingan diri.

Sebagaimana juga diluak Johor maka di Luak Sungai Ujong ini terdapat ketua-ketua 'Adat yang diragukan kejujuran mereka. Seumpama bekas Dato' Sri Maharaja Diraja Hj. Abdul Razak bin Mohd Jani dan Dato' Akhir Zaman Salehan bin Ismail termasuk Dato' Andika Mendelika dan Dato' Dagang Paroi. Tetapi kedua-dua Lembaga Waris di Air ini Dato' Sri Maharaja Diraja dan Dato' Akhir Zaman telah pun luruh pesaka masing-masing. Cuma yang masih bertahan hanya Dato' Andika Mendelika Mohd Fadzil bin Nordin serta Dato' Dagang Paroi Mohd Nor bin Abdullah.

Sepatutnya persoalan yang harus ditumpukan sekarang ini ialah persoalan perlantikan ' Undang ' yang diputuskan oleh Dewan Ke'adilan. Dimana mesyuarat Dewan yang telah lalu memutuskan supaya melantik satu jemaah Pemangku Undang Luak Sungai Ujong yang dianggotai oleh Dato' Andika Mendelika Mohd Fadzil bin Nordin, Dato' Sri Maharaja Diraja Dato' Azman Jamrus, Dato' Mida Labu Dato' Zainuddin bin Hj. Abdullah dan Dato' Dagang Paroi iaitu Dato' Mohd Nor bin Abdullah

lat yang diselaraskan dari Perbilangannya yang berbunyi:-

" Ibarat labu menjalar ke Hulu
Ibarat kundur menjalar ke Hilir
Pangkalnya sama dipupuk
Pucaknya sama dipetis
Buahnya sama dipecek "

Pada mereka 'Adat tanpa peraturan itu lebih baik dan se-
sa, sebab mereka dapat bebas melakukan sesuatu. Keadaan ini
sangat menghairahkan mereka. Sebab itulah mereka telah cuba meng-
adakan Balai Undang mengadakan kerapatan pada 20hb. November lalu
membuat keputusan sendiri memecat Dato' Shahbandar. Perbuatan ini
adalah terkeluar sama sekali dari peraturan. Kononnya mereka mem-
unyai kuasa sebagai Tiang Balai yang berhak melantik seseorang
undang dan berkuasa melucutkan sesiapa yang tidak berhak menyana-
ng pesaka .

"Tinggallah 'Adat, tinggal budaya, tinggallah peraturan
alam kemusnahannya. Alang²perbuatan dah terlanjur budi dah ter-
adai maka meruahlah jadi galang gantinya Dato' , sanggup tangan
dato' yang mencancang takkanlah pula bahu tak sanggup memikulnya.
Orinallah sahaja risikonya nanti. Lembaga-Lembaga 'Adat yang la-
nnya akan menentang Dato', penentangan yang berasaskan peratur-
an dalam per'adatan. Kalau penentangan ini berjaya, nasib Dato'
aman pulak diratap-tangiskan, lantaran ia nasib yang sengaja
itengah, dik perbuatan Dato' sudah melampaui batasan sebab itu
adalah ini dibuat, didalamnya dinukilkan satu persatu apa yang
terjadi khusus dalam krisis perlantikan ' Undang Luak Sungai ujong
lar ke-10 ini . Untuk memberi tahu kepada sesiapa yang tak tahu
tentama kepada penyokong-penyokong Dato' Andika Mendelika dan Da-
to' Dagang Paroi supaya mereka jangan menyalah-tafsirkan tindak-
an Dato' Into' Lembaga yang masih berpotensi, masih berwibawa di-
luar Sungai Ujong ini. Supaya jangan ada nanti yang berkata, tak
boleh orang buat kepada Dato' Andika Mendelika dan Dato' Dagang
Paroi, sebagaimana mereka yang telah berkata, tak patut mereka
buat kepada Dato' Sri Maharaja Diraja dan Dato' Akhir Zaman.

Tetapi, " What is done, cannot be undone Dato' , ke-
aduan Lembaga Tiang Balai ini pada 'Adatnya sudah pun luruh
jadian masing-masing dik kerana mengikutkan nafsu, dik lagak

dan bongkak, dik laba yang tiba tanpa diundang, akhirnya keundang, kerana sumpah dari mereka yang menjadi mangsa, lantaran mereka telah rugi mengagihkan laba untuk kepentingan Dato', sedang niat tak terkabul, maksud tak tercapai akhirnya menjalarlah sumpah mengikut segenap saluran saraf dan saluran darah yang mendapat zat dari laba yang tak diredzakan. Laba itu tidak lagi menjadi nikmat Dato' sebaliknya menjadi laknat, Na-uzubillah minzalik. Tahukah Dato' bahawa perbuatan yang seperti ini menghalalkan benda yang haram, dosanya lebih besar dari memakan riba' kalau sipemberi laba tak menghalalkannya nanti.

Sebab itu Dato', Mala petaka datang timpamenerima, bala' mengunjung silih berganti, hati resah dan gelisah lantaran sumpah memakan diri. Dik akibah tindakan curang, berlagak dan angkuh semasa kuasa ada ditangan tanpa menyedari rupanya ada satu lagi kuasa yang mengatasi segala kuasa iaitu Kuasa Allah, iaitu kuasa yang menentukan segala perbuatan manusia sama ada baik atau disebaliknya, raja atau rakyat jelata, semuanya tidak akan terlepas dari pertimbangan, setekak mana dosa yang telah dilakukannya atau sebanyak mana laba yang diperolihinya mereka tanpa kerelaan sipemberinya.

Ini adalah perkara yang sebenarnya berlaku, kesah yang berpunca dari kekusutan dan kekosongan jawatan ' Undang ' yang berhajat sudah berhabis bergolok bergadai, yang korupt pula menggunakan peluang menangguh di air keruh, menggunakan kesempatan untuk kepentingan diri. Akhirnya rahsia terbongkar jua. Dato' Andika Mendelika dan Dato' Dagang Paroi beria-ia mengemukakan calon atas daya inisiatif sendiri, tanpa berjejak dari Waris, tanpa menurut saluran yang sah. Ini kan ada tujuan, bak kata orang ada benda ada cerita. Tetapi calon mereka ditolak, sebab meninggalkan peraturan. Yang dikejar tak dapat yang dikendong berciciran. Hajat-hati nak peluk gunung tetapi terpeluk biawak sial.

Dato' Andika Mendelika dan Dato' Lagang Paroi digulungkan sebagai ketua ' ayam gadang ' dikalangan anak-anak buahnya. selama ini mereka menutup kelemahan-kelemahan yang ada pada diri masing-masing hanya dengan lagak dan gaya, dengan sikap bodoh sombong , tetapi nyata banyak benar kelemahannya, sanggup menipu diri sendiri dan menjual anak buah. Mereka melebihi tuntutan cita-cita sendiri lebih daripada memperjuangkan hak asasi masyarakat yang dipimpin. Setiap gerak dan langkah mereka tiada yang bolih dicentohi dan ditauladani.

Mereka selama ini tidak lagi mewakili mana-mana pihak dalam 'Adat. Seumpama Dato' Andika Mendelika yang sudah lupa diri, dari mana sepatutnya ia bertapak , siapa yang dipimpinnya dan tugas apa yang akan dilaksanakannya ? Bagitu juga dengan Dato' Lagang Paroi, sebenarnya ia tiada beranak-buah , ia berdiri dengan sendiri tanpa mewakili mana-mana pihak . Akan kehadirannya sebagai Lembaga Tiang Balai Luak Sungai Ujong cuma untuk mencukupkan bilangan andainya Dato' Muda Labu tidak ujud. Tetapi jika Dato' Muda Labu ujud maka Lembaga Tiang Balai Luak Sungai Ujong akan mencukupi dari:-

1. Dato' Andika Mendelika
2. Dato' Sri Maharaja Diraja
3. Dato' Akhir Zaman
4. Dato' Muda Labu

Rumusan ini dibuat ialah demi untuk mengingatkan setiap Dato' Lembaga 'Adat supaya memahami bahawa selain dari hukum dan pelaksanaan 'Adat maka hukum Tuhan juga jangan dianggap ringan, kerana ini akan menentukan setakat mana keikhlasan dan bakti seseorang insan kepada insan yang lainnya, bakti seorang pemimpin kepada yang dipimpin sebagaimana yang dimaksudkan :

كلکم راعٍ وكل راعٍ مسئول عن رعيته

yang bererti , " Tiap-tiap kamu itu pemimpin, dan tiap-tiap pemimpin bertanggung-jawab atas yang dipimpinnya". Dan juga bertukar mengetahui sejauh mana ingatan seorang hamba kepada Tuhannya sebab 'Adat itu sendiri bersendikan Hukum , dan Hukum bersendikan Kitabullah. Maka dalam melaksanakan Hukum Allah adalah juga tuntutan 'Adat supaya dilaksanakan oleh setiap orang yang ber 'adat untuk mencapai taraf insan kamel. Semuga jasa akan dikenang , bakti akan dikira , selama hayat dikandung badan, selagi ruh diucuri rahmat oleh Tuhan Rabul Jalil akan kekalah nekmah Allah yang dianugerahkan kepada setiap insan dan setiap orang yang berbuat baik, memelihara 'Adat, dimana penghayatan dan penglaksanaan peraturannya tidak kita ubah anjak mengikut prinsip rukun 'Adat itu sendiri yang berbunyi:-

" Pertama Kalam Allah
Kedua Kalam Nabi
Kita Kalam yang tua
Keempat kata muafakat
Kelima bersalasilah
Keenam berterombo "

Tafsiran rukun 'Adat ini akan merangkumi setiap aspek penglaksanaan mencapai tujuan hidup bahagia bagi mengujudkan :

بلدة طيبة ورب غفور

Sebuah negara yang baik yang mendapat keampunan Tuhan. Sehingga hari yang dinamakan :-

يوم لا ينفع مال ولا بنون الا من اتى الله بقلب سليم

Hari yang tidak akan memberi munafaat oleh anak-anak dan harta benda melainkan sesiapa yang dianugerahkan Tuhan Hiti yang khusuk, mensyukuri nekmah Tuhannya.

Hanya dengan berdasarkan Hukum Tuhan sahaja manusia boleh melaksanakan pemerintahan secara 'adil dan saksama tetapi jika mengikut hukum manusia sendiri akan berlakulah perbuatan zalim dan inyanya dan kadang kala manusia terlanjur melaksanakan perintah nafsunya tidak lagi melaksanakan amanah yang telah diamanahkan kepada mereka. Seumpama Dato' Andika Mendelika dan rakan sejawatnya Dato' Dagang Paroi yang kita pertikaikan kedudukan dan tindak-tanduk mereka.

Sebagai ketua 'Adat mereka dibatasi oleh hukum dan peraturan 'Adatnya, ditentukan pula oleh Hukum Ugama dan bentuk budaya bagi setiap mereka yang ber'adat untuk mengujudkan perpaduan, untuk kepentingan bukan sahaja anak-anak buah dileng-kongan 'Adat itu malah bagi perpaduan manusia sejagat ber-dasarkan Firman Allah yang lebih kurang ertinya :

"Berpeganglah kamu sekalian kepada tali (Ugama) Allah, dan jangan kamu berpecah-belah. Dan ingatlah akan nikmat Allah, (yang diberikan) kepadamu, ketika kamu bermusuhan lalu dipersatukannya hatimu, sehingga kamu menjadi bersaudara dengan nikmat itu".

(Al-Imran , Ayat 103)

Sebagai orang-orang yang ber'adat dan berUgama kita sepatutnya tidak akan hilang pedoman sebagai Dato' Andika Mendelika dan Dato' Dagang Paroi tidakkah mereka sebagai pemimpin dan ketua dapat memikirkannya ? Namun demikian andainya mereka masih yakin dengan teori mereka , maka kita sebagai penyokong dan pendokong peraturan akan tetap mempertahankan sistem kemufakatan dalam 'Adat, kita akan menentang siapa sahaja yang cuba menodai kesucian dan kemurnian 'Adat yang sudah menjadi darah daging kepada kita dan kalau perlu kita akan mengambil tindakan tegas untuk menyingkirkan mereka walau secara apa.

Dato' Andika Mendelika dan Dato' Dagang Paroi adalah Lembaga Tiang Balai Luak Sungai Ujong Waris DiDarat tidaklah sewajarnya pula mengetuai kumpulan perjumpaan Waris diAir mengambil keputusan dalam kerapatan memecat Dato' Shahbandar. Ini kerja karut namanya. Akan diingat juga bahawa kedua-dua Dato' Lembaga 'Adat ini sebenarnya sudah banyak merosakkan hati Lembaga-Lembaga Waris diDarat. Bahkan seluruh Lembaga-Lembaga itu termasuk Lembaga Tiga Persukuannya, buapak-buapak, Juak-Juak dan Waris-Waris Perut Hulu dan Perut Hilir yang diketuai oleh Lembaga 'Adatnya iaitu Dato' Maharaja Lela sebagai Lembaga Waris Kelana sudah tidak meyakini bahawa Dato' Andika Mendelika bolih menyelesaikan segala kekecohan.

Mithalnya mengapa dalam perancangan satu majlis kerapatan 'Adat yang dicadangkan pada 7hb. September, 1985 yang telah mendapat persetujuan semua Dato' Dato' Lembaga Waris diDarat yang diketuai sendiri oleh Dato' Maharaja Lela ditolak oleh Dato' Andika Mendelika dan mengapa pula kerapatan yang hanya dihadiri oleh Waris-Waris diAir dipersetujui beliau? Pada hal mengikut 'Adatnya sebagai Ketua Lembaga Waris diDarat beliau tidak ada kena mengena langsung dengan pergolakan dan perancangan Waris-Waris diAir. Apatah lagi untuk mengetuai mereka merencanakan sesuatu menentang peraturan 'Adat. Waris-Waris diAir sendiri sudah pun dapat menyelesaikan perkara mereka. Tunggaknya sudah ujud dengan restu Dewan Keadilan dan Undang sendiri. Dato' Sri Maharaja Diraja Dato' Azman Jamlus telah diperakukan oleh Dato' Shahbandar sebagai Tua Lembaga Waris diAir yang sah mengikut 'Adat Luak Sungai Ujong.

Perbuatan ini barulah namanya " Mengacau lubuk orang ". Urusan orang nak dicampuri urusan sendiri tinggal terbengkalai. Adakah perbuatan beliau ini munasabah jika ditinjau dari segi 'Adat? Jawabnya tentu sekali tidak. Oleh sebab kedua-dua mereka sudah tidak mendapat kepercayaan lagi diDarat nak cuba bersandar pula diAir terutamanya Dato' Andika Mendelika yang sebenarnya sudah hilang pedoman, tak dapat la-

gi membezakan mana 'Adat dan mana yang bukan 'Adat, tak bolih merentukan jalan mana yang patut diikuti, peraturan mana harus diturut, nasihat siapa wajib didengar . Beliau tak yakin pada kebolihan sendiri dan nak cuba bergantung pada kebolihan orang. Malah perbuatannya pada anak buah adalah diibaratkan, "kera di hutan disusui, anak dirumah ditinggalkan". Dik keparat memakan diri, pemikiran sudah berkecamuk , perbuatan sudah tak ada yang betul , dik tak pandai menari, kata lantai jongkang jonkjet ". Ketua 'Adat apa namanya ini ?

Kalaulah nak dikaji latar belakang beliau, ilmu tak setinggi mana , kebolihan tak setekak mana , namun berunding tak hendak, bertanya tak mahu. Maklumlah awak orang atas Dato' Pengurus Tiang Balai pulak tu. Akibahnya sendiri yang keciwa dik jahil membendung diri . Nafsu kuat , angan-angan tinggi. Inilah dia Mat Jinin dalam 'Adat, nak kawin dengan Tuan Piteri nun jauh berada disebuah pulau impian, apa bolih buat walau sampan ada pengayuhnya tidak, ada pengayuh tetapi bilah, pulau jauh daratan tak nampak. Kesudahannya mati dik tak sedar terpegang pelepah kering, memunggur kebawah dan tamatlah riwayat Mat Jinin 'Adat dalam sebuah trajidi diLuak Sungai Ujong ini.

Dalam 'Adat, kedua-dua mereka ini adalah diibaratkan sebagai kambing yang inginkan bringin songsang dalam bulan, mati badan celik matanya dik bringin songsang hanyalah bayangan.

Bak kata pantun:

" Anak merebah terlompat lompat
Anak nandung ketitian
Yang dilelah tak dapat
Yang dikandung bereciran ".

Lanjutan kes Undang Luak Sungai Ujong

SEREMBAN, Ahad — Datuk Maharaja Lela Lembaga Waris Kelana, Datuk Zamhari Haji Abdul Rahman, hari ini menjelaskan majlis 'kerapatan mengukuhkan adat' pada 7 September lalu telah mendapat persetujuan semua Datuk Lembaga, Buapak, Juak dan Waris di Darat.

Bellau berkata, ketua adat Waris di Darat Perut Hulu dan Perut Hillir berpendapat, majlis itu perlu dipanggil bagi diadakan perbincangan mengenai soal perlantikan Undang Luak Sungai Ujong yang baru.

Sehubungan ini, bellau membantah perbuatan Datuk Andika Mendelika yang enggan membenarkan Datuk-Datuk Lembaga menggunakan Balal Undang Luak Sungai Ujong bagi mengadakan perbincangan itu.

Majlis itu tidak dapat diadakan kerana pintu balai berkenaan dikunci dan polis terpaksa dipanggil untuk mengelakkan kemungkinan berlakunya sebarang kejadian yang tidak ditingali.

Datuk Zamhari juga berkata, majlis itu mendapat restu Datuk Shahbandar Luak Sungai Ujong, Datuk Shaari Haji Hassan selaku Tunggak Waris di Air.

Bellau menjelaskan kehadiran Datuk Shaari di perjumpaan yang diadakan itu adalah sebagai pemerhati bertepatan dengan kata adat yang berbunyi 'cari-carian dalam anak buah, kusut diselesaikan, salah diberi benarnya, bila dapat benarnya, bermakna kata sudah perbuatan habis, kusut di air; di darat menyelesaikan, kusut di darat maka di air pula menyelesaikan.'

Sambil menyangkal dakwaan bahawa Datuk Shaari mahu 'merampas kuasa', bellau berkata, soal perlantikan Undang Luak Sungai Ujong boleh diselesaikan melalui perundingan, yang sehingga ini masih belum diadakan oleh ketua-ketua adat yang terbabit.

"Saya selaku Datuk Maharaja Lela Waris Kelana bagi pihak Datuk-Datuk Tiga Persukuan, Buapak, Juak serta Waris di Darat Perut Hulu dan Perut Hillir menyesali terhadap berlakunya perkara, yang sepatutnya tidak terjadi.

"Penjelasan mengenai perkara ini telah saya sampaikan kepada Yang Dipertuan Besar Negeri Sembilan," katanya dalam pertemuan dengan *Berita Harian* di sini.

Mengenai keengganan Datuk Andika Mendelika membenarkan Datuk-Datuk Lembaga yang hadir menggunakan balai itu, Datuk Zamhari berkata, ia adalah satu perbuatan 'tidak bertanggungjawab' kerana Balal Undang adalah tempat untuk mengadakan perbincangan menenteh soal adat.

"Datuk Andika Mendelika sebagai seorang Datuk Tiang Balal tidak sepatutnya bertindak demikian kerana ia bertentangan dengan usaha yang dijalankan oleh setiap Datuk Lembaga yang cintakan adat.

"Seperti kata adat, kusut diselesaikan, salah diberi benarnya dan sah hukum dengan saksi, sah adat dengan tanda," ujarnya.

Perapatan ambil keputusan 'dipecat' Shahbandar

BAN, Khamis
patan empat
Varis di Air
ngai Ujong di
alam yang di-
leh 150 anak
engambil ke-
'memeat'
Shahbandar,
Shaari Haji
n sebagai
ang pesaka

an itu juga me-
n Datuk Seri
Diraja, Datuk
Razak Mohd
ah Datuk Lem-
Waris di Air-
n Tiang Balal
ong yang sah.
itu yang ber-
di Balal Un-
Sungai Ujong
eh wakil-wakil
a perut Waris
u Perut Nenek
rut Susu Dara,
u Ganda dan
ggal beserta
atuk-Datuk

enyataan yang
an hari ini,

majlis itu berpendapat pentadbiran yang dijalankan oleh Datuk Shaari tidak berjalan lancar dan beliau dikatakan terlalu banyak mencampuri urusan-urusan yang tidak sepatutnya dilakukannya.

Majlis itu memberikan 13 sebab mengapa Datuk Shaari boleh dipecat. Antara sebab yang dinyatakan, perantaraan beliau tidak mengikut peraturan dan bercanggah dengan perlembagaan Undang-Undang Tubuh Kerajaan Negeri Sembilan.

Nasihat

Walaupun Datuk Shaari diiktiraf oleh Dewan Keadilan dan Undang kata kenyataan itu, kedudukannya pincang kerana ketiadaan Datuk-Datuk Tiang Balal yang lengkap sewaktu proses perantaraan dahulu.

Kenyataan itu yang ditandatangani oleh Datuk Seri Maharaja Diraja,

Datuk Haji Abdul Razak Mohd Jani, Datuk Andika Mendallka Mohd Fadzil Nordin, Datuk Akhir Zaman Solehan Ismail dan Datuk Dagang Parol Mohd Nor Abdullah itu menyifatkan tindakan Datuk Shaari sebelum ini sebagai memecah-belahkan perpaduan Waris di Air.

Sebab-sebab lain yang diberikan ialah:

● Datuk Shaari tidak mendapat kepercayaan terbesar Waris di Air lalu lingkungannya. Adalah dianggarkan cuma 10 peratus sahaja yang menyokongnya.

● Datuk Shahbandar dengan tanpa usul periksa telah memecat Datuk-Datuk Lembaga yang ada dan menggantikannya sesuka hati.

● Tidak patuh dan sentiasa mengeneipkan nasihat Dewan Keadilan dan Undang.

● Mengambil tindakan sewenang-wenangnya dengan mempunyai rancangan jahat untuk

mengeneipkan waris yang dianggap menentang.

● Mencampuri secara langsung perjalanan adat lingkungan Datuk Akhir Zaman dan mencampuri urusan Waris di Darat dalam proses perantaraan penyandang pesaka Undang Luak Sungai Ujong.

● Menggunakan Datuk-Datuk Persukuan Lingkungan dan Datuk-Datuk Dagang dalam tindakannya serta membelakangkan waris yang berhak.

● Cuba merampas kuasa untuk mengakui penyandang pesaka Datuk Kelana tanpa mengikut aturan yang sebenar.

Menurut kenyataan itu, 'pemeatan' itu adalah berasaskan perbilangan adat 'Bulat anak buah, waris rapat. Lembaga bulat, boleh memecat Undang' iaitu sementara penggantian penyandang pesaka yang sah dibuat dalam satu istiadat yang ditentukan tarikhnya kelak.

Surat mengenal 'pemeatan' itu telah dihantar kepada semua ahli-ahli Dewan Keadilan dan Undang termasuk pengerusinya, Yang Di Pertuan Besar Negeri Sembilan.

'Pemecatan' Datuk Shahbandar dianggap tidak sah

SEREMBAN, Jumaat — Tiang-Tiang Balai dan ketua-ketua adat Waris di Air Luak Sungai Ujong hari ini membantah keputusan satu kerapatan adat yang diadakan Rabu lalu untuk 'mecat' Datuk Shahbandar Luak Sungai Ujong, Datuk Shaari Haji Hassan.

Sambil menyifatkan-nya sebagai perbuatan tidak bertanggungjawab, mereka memutuskan bahawa ia adalah tidak sah di segi perjalanan dan aturan adat Luak Sungai Ujong.

Serentak itu, mereka berikrar memberi sokongan tidak berbelah bagi kepada Datuk Shaari sebagai Datuk Shahbandar Luak Sungai Ujong yang sah dan diiktiraf oleh Dewan Keadilan dan Undang Negeri Sembilan serta direstui oleh Kerajaan Negeri Sembilan.

Ini dinyatakan oleh Datuk Seri Maharaja Diraja, Datuk Azman Jamrus kepada pemberita selepas satu kerapatan adat khusus untuk membincangkan perkara berkenaan di Balai Datuk Shahbandar Luak Sungai Ujong dekat sini hari ini.

Datuk Azman, yang bertindak sebagai jurucakap, berkata perbuatan itu boleh menimbulkan

ketegangan di kalangan anak-anak Waris di Air Luak Sungai Ujong dan menasihatkan mereka supaya bertenang.

"Persoalan yang timbul sekarang ialah bagaimana Tiang Balai yang telah dipecat dan tidak lagi diiktiraf oleh Dewan Keadilan dan Undang Negeri Sembilan boleh mengadakan kerapatan adat dan kemudian memutuskan untuk memecat seorang penyandang pusaka yang sah.

"Bagaimana pula dua Tiang Balai dari Waris di Darat boleh menyertai kerapatan pada 20 November lalu dan kemudian menyetujui keputusan untuk memecat Datuk Shahbandar selaku 'Tunggak' Waris di Air Luak Sungai Ujong.

"Ini jelas membuktikan bahawa perbuatan mereka yang terbabit adalah didorong oleh rasa tidak puas hati semata-mata kerana ingin menimbulkan ketegangan di Luak Sungai. Kami amat kecewa dengan perbuatan mereka yang terbabit," tegas Datuk Azman.

Dua Tiang Balai yang telah dipecat itu ialah bekas Datuk Seri Maharaja Diraja, Datuk Haji Abdul

Razak Mohd Jani dan bekas Datuk Akhir Zaman Rantau, Datuk Solehan Ismail manakala dua Tiang Balai dari kalangan Waris di Darat ialah Datuk Andika Mendelika, Datuk Mohd Fadzil Nordin dan Datuk Dagang Paroi, Datuk Mohd Nor Abdul-lah.

Datuk Azman menjelaskan keputusan yang dibuat oleh kerapatan adat hari ini adalah sah di segi aturan adat Luak Sungai Ujong kerana ia dihadiri oleh Tiang Balai dan ketua adat yang diiktiraf oleh Dewan Keadilan dan Undang Negeri serta direstui oleh Kerajaan Negeri Sembilan.

Selain beliau, antara Tiang Balai, ketua adat serta Orang Besar Balai yang hadir ialah Datuk Muda Labu, Datuk Zainuddin Haji Abdullah, Datuk Seri Paduka Diraja, Datuk Awaluddin Temu, Datuk Menteri Penghulu, Datuk Haji Zainal Haji Abdul Majid, Datuk Seri Amar Diraja, Datuk Haji Syed Hussein Syed Haji Abdul Hamid, Datuk Seri Amar Menteri, Datuk Kahar Sikin dan Datuk Akhir Zaman Rantau, Datuk Haji Bahari Hamzah.

Menjawab satu soalan, beliau menyifatkan perbuatan mereka yang terbabit menggunakan Balai Undang Luak Sungai Ujong di sini sebagai tempat mengadakan kerapatan Rabu lalu sebagai satu "pencerobohan oleh pihak yang tidak bertanggungjawab".

RAMAI TAK FAHAM 'ADAT' . IA BUKAN BOLIH DISELESAIKAN SENDIRI. (DATO' AZMAN)

"RAMAI Anak Waris yang seolah-olah lupa, adat yang ada pada hari ini bukan sekadar boleh diselesaikan dalam adat sahaja tetapi turut menyangkut hal-hal lain. Kerana adanya sikap beginilah, krisis berlaku," kata Datuk Seri Maharaja Diraja, Datuk Azman Jamlus.

Menurut beliau, apa yang dapat dilihat hari ini, ramai yang seolah-olah mengetahui mengenai perjalanan adat tetapi sebenarnya tidak.

"Mengenai soal perlantikan misalnya, ia bukan boleh diselesaikan sendiri sahaja kerana ada di antara beberapa peruntukan mengenainya tercatat dalam Perlembagaan Negeri dan perlu pula mendapat pengesahan Dewan Keadilan dan Undang," jelasnya.

Dalam pemilihan seseorang ketua seperti Undang Luak Sungei Ujong atau Datuk Syahbandar, kata beliau, ada beberapa peringkat yang perlu dilalui sebelum seseorang calon itu diisytiharkan.

Langkah pertama, katanya, ialah proses 'mencari-cari dalam anak buah'. Beberapa calon yang layak boleh dikemukakan oleh Buapak kepada Datuk-Datuk Lembaga.

Nama-nama yang dicalonkan ini pula kemudiannya diserahkan kepada Tiang Balai Yang Empat untuk diteliti peribadi dan latar belakang masing-masing. Proses ini terpaksa diambil bagi memastikan calon-calon yang 'sempurna' sahaja akan diputuskan menjadi Undang.

"Bagi jawatan Datuk Kelana, misalnya, di peringkat ini nama calon yang layak bolehlah diberitahu terlebih dahulu kepada Datuk Syahbandar untuk mendapat pandangannya," kata beliau.

Kepentingan diri

Selepas itu barulah nama calon tunggal dikemukakan kepada Dewan Keadilan dan Undang untuk disahkan dan kemudiannya diiktiraf oleh Kerajaan Negeri.

Apa yang sering timbul sekarang katanya, ada Buapak dan Datuk-Datuk Lembaga yang membuat sesuatu keputusan tanpa menurut peraturan dan bukannya ada yang ganjil ada di antara mereka

yang sanggup mengeneipkan peraturan kerana kepentingan diri.

"Kita selalu mendengar seseorang Datuk Lembaga tidak mengiktiraf Undang. Jadi, kalau mereka tidak mengiktiraf Undang, di mana letak kuasa mereka sendiri?"

Ini kerana setiap Datuk-Datuk Lembaga itu hanya mempunyai kuasa jika diiktiraf oleh Undang.

Apa yang sering menimbulkan masalah, katanya, kerana kebanyakan peraturan adat itu adalah tersirat.

"Di sinilah perlunya setiap Anak Waris itu memahami benar-benar mengenai adat itu," tegas beliau.

Beliau memberi contoh, kalau seseorang warganegara Malaysia perlu mengamalkan Rukun Negara, Anak Waris perlu mengamalkan peraturan adat.

"Ia perlu dipelajari dengan mendalam, bukan sekadar ambil tahu sahaja. Kalau Anak Waris faham haknya, tidak timbul lagi masalah," katanya.

Kenyataan yang ada sekarang, jelas beliau, ramai golongan muda yang tidak mahu mempelajari adat tetapi merekalah yang sibuk apabila berlaku sesuatu pemilihan.

"Oleh kerana mereka sendiri tidak mempunyai pengetahuan bagaimana hendak membuat sesuatu pandangan atau keputusan?"

Di samping itu, katanya, ada juga timbul anak buah lebih mengetahui perjalanan adat daripada Buapak atau Datuk-Datuk Lembaga sendiri.

Pandangan

"Ada kalangan Datuk-Datuk Lembaga yang memikirkan mereka lebih tahu tetapi sebenarnya, sebaliknya.

"Apabila keadaan ini timbul berlakulah jurang generasi," katanya lagi.

Bagi mengatasi masalah ini Datuk Azman mencadangkan setiap anak waris mesti mempelajari dan mengetahui hak mereka.

Setelah masing-masing tahu hak yang ada pada mereka, tidak timbul lagi kekecehan.

Dari apa yang diketahui yang menjadi dalang dan penghalang dalam melaksanakan kelancaran perjalanan 'Adat diluak Sungai Ujong sekarang ini cuma Dato' Andika Mendelika serta disokong oleh Dato' Dagang Paroi sahaja lagi. Satu-satunya jalan untuk mengatasi supaya krisis dan pertelengkahan yang ditimbulkan mereka hanyalah menyegerakan pengesahan perlantikan Dato' Dato' Lembaga Tiang Balai yang baharu iaitu Dato' Sri Maharaja Diraja Dato' Azman Jamlus dan Dato' Akhir Zaman yang dipecat oleh Lembaga-Lembaga dan Warisnya, dimana pemecatan itu telah disahkan oleh Dato' Shahbandar sementara gantinya ialah Dato' Haji Bahari bin Hamzah.

Satu kerapatan harus diadakan segera sekalipun tanpa Dato' Andika Mendelika kerana yang penting dalam keadaan yang kritikal sekarang ini ialah suara majoriti yang akan membuat keputusan menentukan calon 'Undang' menepati kata Dato' Azman Jamlus bahawa calon ini diproses melalui peraturan dan peruntukan yang tercatat dalam Perlembagaan negeri ini dan menurut beliau lagi nama calon yang layak bolihlah diberi tahu dan dikemukakan kepada Y.A.M. Dato' Shahbandar untuk mendapat pandangannya.

Hanyalah dengan menyegerakan perlantikan 'Undang' sahaja cara yang bolih mengatasi segala pertelagahan dan persengketaan 'Adat diluak ini, kalau tidak Dato' Dato' Lembaga yang sudah terancam kedudukannya mahu pun mereka yang telah luruh pesakanya seumpama Dato' Akhir Zaman Salehan bin Ismail dan Dato' Sri Maharaja Diraja Abdul Razak bin Mohd Jani, cuma disa'at akhir ini pula bolih bekerjasama, pada hal selama ini kedda-dua mereka adalah musuh ketat (sebab dah hampir akan senasib agaknya). Mereka ini tentunya akan berusaha mencari helah demi helah untuk berbuat sesuatu yang bolih memburukkan lagi keadaan supaya pergisiran terus berlaku diantara anak-anak Waris, mahu pun Lembaga-Lembaga 'Adat sama ada diharat mahu pun diAir atas isue-isue yang sengaja mereka timbulkan demi untuk kepentingan kedudukan masing-masing. Satu daripadanya ialah mengadakan kerapatan memecat Dato' Shahbandar.

Kerapatan yang diadakan mereka pada 20hb. November, 1985 itu mengikut 'Adatnya adalah terkeluar samasekali dari bidang kuasa masing-masing dan tidak boleh diperakukan sahnyanya oleh mana-mana pihak. Malah jika dibiarkan perbuatan dan tindakan seperti itu diteruskan mengikut sesuka hati mereka tanpa sekatan akan melaratlah cacing kemata.

Sudahlah perbuatannya menggunakan Balai Undang dengan bebas, seolah-olah Balai Undang itu kepunyaan mereka sendiri, memandai pulak membuat penentuan bahawa bekas Dato' Sri Maharaja Diraja Haji Abd. Razak bin Mohd Jani masih sah sebagai Tua Lembaga Waris di Air dan Lembaga Tiang Balai Undang Luak Sungai Ujong dan mungkin dalam masa tak lama lagi akan mengisytiharkan pula perlantikan Dato' Shahbandar yang baharu menggantikan Dato' Shaari bin Haji Hassan yang telah mereka pecat.

Sebenarnya orang kalau sudah suntuk 'akal macam-macam perkara anih hendak dilakukannya. Apa yang ditakuti ialah kalau kalau tersebar pulak hasutan mereka dikalangan para penyokongnya menanamkan semangat Ibrahim Libia untuk mengkuar-kacirkan keamanan dipersekitaran tanah per'adatan ini.

Setiap orang memang mempunyai cita-cita dan selera. Untuk mencapai sesuatu idaman dan hasrat jiwa. Orang akan berbuat apa saja untuk mendapai idaman itu, sekali pun diluar kemampuan mereka. Diluar Undang-Undang dan peraturan, diluar sifat-sifat kemusiaan dan diluar kepastian sama ada mustahil atau tidak. Namun dik kuatnya runtunan hati yang selama ini tidak mau menerima pertunjuk dan kebenaran maka akan terbabitlah mereka dalam beberapa kegiatan songsang sebagai manusia perosak keamanan, memutus persaudaraan dan memungkiri janji. Sebagaimana yang telah diterangkan oleh Allah Tuhan Yang Maha Perkasa dalam ayat yang lebih kurang ertinya:-

" Iaitu orang yang memungkiri janji Allah (melanggar perintahnya) setelah teguh berikat janji, dan orang-orang yang memutuskan pertalian salat-rahim yang disuruh Allah supaya mengembangkannya, dan yang membuat kebinasaan dimuka bumi ini. Mereka itulah orang-orang yang rugi".

(Al-Baqarah - Ayat 27)

Mereka rugi sebab mengikutkan hawa nafsu. Contohnya sebagai Dato' Andika Mendelika dalam percaturan perjuangan beliau dalam 'Adat dan pergolakan perlantikan ' Undang Luak Sungai Ujong. Apabila diteliti walau ada yang berpehak kepadanya namun sebahagian besar dari Dato' Dato' Lembaga 'Adat di Luak ini sudah tidak mempercayainya lagi sama ada Lembaga-Lembaga Waris di Darat mahu pun di Air. Apalagi melihatkan beliau telah banyak melakukan kesalahan-kesalahan 'Adat yang tak seharusnya dibiarkan tanpa dipertikaikan seperti (1) Mengemukakan calon Undang secara bersendirian tanpa berunding dengan Dato' Dato' Lembaga yang berkenaan seumpama Lembaga Waris Kelana dan dua orang lagi Lembaga Tiang Balai Sungai Ujong. (2) Cuba melucutkan Jawatan Dato' Shahbandar yang kejadiannya telah direstui oleh Dewan Keadilan dan Undang.

Olih itu bagi setiap tokoh 'Adat yang dicabar kedudukannya oleh Dato' Andika Mendelika ini khususnya Y.A.M. Dato' Shahbandar Luak Sungai Ujong dan Lembaga Tiang Balai yang lainnya serta Lembaga Waris Kelana yang disokong oleh Lembaga Tiga Persukuanannya tidak seharusnya pula berdiam diri. Sekurang-kurangnya merancangkan sesuatu untuk mempertahankan kedudukan menepis dan menengkis segala fitnah dan tuduhan dari Dato' Dato' penyemah kebendaan ini yang berlagak kononnya merekalah sahaja yang berkuasa dan berwibawa.

Satu kerapatan patut diadakan segera yang akan dihadziri oleh setiap mereka yang terlibat untuk mengambil tindakan balas kepada sesiapa sahaja yang mempersenda kekuatan pertahanan kita dan cuba menguji kewibawaan kita sebagai pembela kebenaran untuk mengembalikan hak kepada yang berhak. Kita akan sedia berhadapan dengan Dato' Andika Mendelika pada bila-bila masa yang beliau sendiri sanggup, bukan menunjukkan kekuatan malah semata-mata mempertahankan maruah. Bak kata orang:-

" Lemah Liuk kayu akar
Dilentur bolih dipatah jangan ".

" Andainya kita dicabar orang
Kota pesaka dialih anjak
Kata nan benar diubah pulak
Tidakkan cemas darah terserak
Walau beribu sebab mendatang
Walau berbilang tombak dan pedang
Busungkan dadamu bujang
Sebelum ajal berpantang mati
Namun mati hanya sekali ".

Menang atau kalah tak menjadi perhetongan lagi yang pentingnya maruah mesti ada, penjenayah mesti ditentang (maksudnya penjenayah 'Adat) untuk mempertahankan hak dan menjamin ketuhanan Rukun Negara yang diseimbangkan dengan prinsip Rukun 'Adat yang telah kita praktikkan turun temurun, sejak dari zaman puintung berasap ia masih jadi amalan kita hingga kini walau sedikit sebanyak dipengaruhi perubahan 'alam namun bentuk asal per'adatan itu masih lagi terpelihara dengan baiknya.

Pada kita 'Adat inilah budaya yang menjadi nilai hidup kita setiap orang yang ber'adat. Budi ertinya kebaikan, daya maknanya usaha yang direncanakan untuk mengekalkan kebaikan itu, mengekalkan ketuhanan ber'adat, bernegeri dan bernegara, menegakkan keamanan dan ketenteraman bererti kemajuan bagi umat manusia. Sebab itu bagi kita budi itu tak boleh dijual beli sebagaimana yang dilakukan oleh Dato' Andika Mendelika, dinilai harganya memper- tarahkan ' Jawatan Undang ' kepada sesiapa yang berhajat kepadanya . Sebab itu krisis timbul, penentangan dibuat, protes dilakukan oleh setiap Dato' Lembaga 'Adat dan setiap ahli Waris yang tak mahu 'Adat mereka dicemarkan, budaya mereka dinudai. Peraturan dalam menentukan pesaka 'Undang' nak dibuat sesuka hati sahaja oleh Dato' Andika Mendelika tanpa perundingan, tanpa kerapatan dan tanpa kerelaan dan persetujuan Lembaga 'Adat yang terbanyak dalam Luak Sungai Ujong ini.

Untuk mengatasi keadaan yang sekeruh ini maka berpaulah tenaga setiap para pendukung 'Adat yang diterajui oleh Lembaga-Lembaganya untuk memberitahu kepada pencabar-pencabarnya ia-

itu Dato' Andika Mendelika dan kuncu-kuncunya untuk mengatakan bahawa 'Adat itu masih unggul dan telah dikemaskinikan. Ia dilindungi oleh Dewan yang dinamakan 'DEWAN KEADILAN dan UNDANG negeri ini.

Perbuatan untuk mencabul keutuhan 'Adat itu dan untuk mencabar keandikaan Y.A.M. Dato' Shahbandar Luak Sungai Ujong serta menyanggah perbuatan Dewan Ke'adilan dan Undang harus pula dipertanggung-jawabkan oleh Dato' Andika Mendelika dan penyokong-penyokongnya. Sebab kalau ber 'Adat tentu ada tandanya, kalau menuduh pasti pula ada alasannya. Dalam 'Adat ia dikatakan :-

" Sah hukum dengan saksi
Sah 'Adat dengan tanda ".

Kalau tidak padahnya amat buruk, kerana kuasa tertinggi 'Adat bukan ditangan Dato' Andika Mendelika malah ia ada pada Dewan Ke'adilan dan Undang yang diterajui oleh tokoh-tokoh yang bertaraf pemerintah. Barang siapa cuba mengatasi keputusan Dewan bererti telah melakukan satu penderhakaan dan kesetiiaannya sudah tidak ada lagi. Ini juga bermaksud menyanggah perinsip Rukun Negara yang kedua. Pada hal 'Adat ada mengatakan:-

" Dimana air disauk disitu ranting dipatah
Dimana bumi dipijak disitu langit dijunjung
Dimana negeri ditunggu disitu 'Adat dipakai "

Kalaulah peristiwa seperti ini berlaku dizaman Kerajaan Melayu Melaka tentu nasib Dato' Andika Mendelika dan nasib Dato' Dagang Paroi sama dengan nasib Raja Mendeliar dan Si-Kitul.

Dato' Andika Mendelika dan Dato' Dagang Paroi sebenarnya telah banyak memutar-belitkan kenyataan-kenyataan yang dibuat oleh pehak-pehak yang berkenaan seumpama keputusan yang telah dibuat oleh Dewan Ke'adilan dan Undang yang bersidang pada 29hb. Oktober, 1985 memutuskan supaya mereka yang terlibat harus mencari perundingan untuk melaksanakan perlantikan Undang Luak Sungai Ujong yang baharu mengikut peraturan 'Adat yang biasa dibuat dalam Luak Sungai Ujong.

Calun Dato' Andika Mendelika iaitu Raja Abdul Rahim Raja Razak sebagai Undang Luak Sungai Ujong Yang Ke-10 telah ditolak oleh Dewan kerana dikatakan tidak mengikut peraturan 'Adat. Bahkan Dewan memutuskan supaya melantik satu jemaah pemangku Undang yang terdiri dari Dato' Andika Mendelika, Dato' Sri Maharaja Azman Jamlus, Dato' Muda Labu Zainuddin bin Haji Abdullah dan Dato' Dagang Paroi Mohd Nor Abdullah. Tujuan ini ialah untuk mengiratkan persefahaman bagi melicinkan urusan pemilihan calun disamping mengelakkan kemungkinan timbulnya lagi sebarang kekecohan. Tetapi apa yang berlaku amatlah mendukacitakan kerana Dato' Andika Mendelika masih lagi menganggap dirinya memegang teraju tidak hanya mengeneppikan perintah dan nasihat Dewan malah beliau dan Dato' Dagang Paroi membuat atur-cara nya sendiri mengadakan kerapatan mengiktiraf semula Dato' Sri Maharaja DiRaja Abd. Razak bin Mohd Jani dan Dato' Akhir Zaman Salehan Ismail sebagai Lembaga Tiang Balai yang sah dan kedua-dua mereka iaitu Dato' Andika Mendelika dan Dato' Dagang Paroi seolah-olah mengetuai Waris diAir mengambil keputusan memecat Y.A.M. Dato' Shahbandar Luak Sungai Ujong yang telah diiktiraf dan direstui oleh Dewan Ke'adilan dan Undang.

Apakah perbuatan-perbuatan yang seperti ini boleh dibiarkan berluasa tanpa sebarang pengawasan dari pihak-pihak yang berkenaan khususnya dari Dewan Ke'adilan dan Undang sendiri ?

Sebagai Dato' Dato' Lembaga 'Adat kita meminta dengan rasa rendah diri supaya jawapan mahu pun tindakan dari Dewan sebagai kuasa tertinggi Majlis per'adatan dapat mengatasi segala masaalah mententeramkan keadaan dan kekecohan bagi menyelesaikan perlantikan Undang Luak Sungai Ujong yang Ke-10 ini

Dalam mengatasi sebarang krisis per'adatan seperti apa yang telah berlaku memanglah diantara yang berkrisis ma- hu menegakkan kebenaran masing-masing. Tetapi memastikan benar atau tidaknya diantara yang terlibat maka tentunya ada badan ke- hakiman yang akan meneliti dan menyiasat untuk menyelesaikan ma- saalah dan krisis itu.

Seumpama apa yang telah berlaku di Luak Sungai Ujong sebelum timbulnya krisis perlantikan Undang dimana pengisytih- aran perlantikan Dato' Shahbandar telah dilakukan oleh Almarhum Dato' Kelana Mohd Kassim pada 8hb. Julai, 1983 Hari Juma'at ber- samaan malam 27 Ramadhan, 1403 Hijrah.

Istiadat perlantikan telah dijalankan dengan penuh Istiadat di Balai Undang Luak Sungai Ujong. Calun yang terpilih ialah Kaptan (B) Shaari bin Hj. Hassan dari Kampung Belangan te- lah diisytiharkan oleh Al-Marhum Kebawah Kaus Y.T.M. Dato' Kelana Mohd Kassim sebagai Dato' Shahbandar Luak Sungai Ujong. Yang Ke- 17 menggantikan Allah Yarham Dato' Shahbandar Abu Bakar bin Hj. Osman yang telah berpulang Kerahmatullah pada 24hb. Desember, 1982.

Majlis Istiadat perlantikan yang bersejarah itu di- hadziri oleh Dato' Dato' Lembaga 'Adat Luak Sungai Ujong, Lemba- ga-Lembaga Tiang Balai seterusnya anak-anak buah Suku Waris Su- ngai Ujong.

Turut sama dalam upacara penuh ber'adat itu ialah Y. A.B. Dato' Menteri Besar Negeri Sembilan iaitu Dato' Mohd. Isa bin Dato' Hj. Abd. Samad, Y.B. Setiausaha Kerajaan Negeri Sembila serta pegawai-pegawai Tinggi Kerajaan.

Apa yang menjadi persoalan ialah setelah selesai sah- ja Kebawah Kaus Y.T.M. Undang Dato' mengisytiharkan nama calun- ka Dato' Sri Maharaja Diraja Abd. Razak bin Mohd Jani bangun me- bantah. Tetapi Majlis tak dapat menerima bantahan itu lebih-leb- lagi Kebawah Kaus Y.T.M. Undang sebagai Ketua 'Adat dan pemeran dalam Luaknya yang mempunyai kuasa pemutus, kerana mandat telah diserahkan kepada Kebawah Kaus Y.T.M. itu oleh Majlis yang tele- pun bersidang sebelumnya.

Dengan kehadiran seramai 18 orang calon yang dikemukakan pada malam 27 Ramadhan Tahun 1403 Hijrah bersamaan Hari Jumat 8hb. Julai, 1983 itu termasuk kehadiran Dato' Sri Maharaja Diraja Abd. Razak bin Mohd Jani serta dengan calonnya bermakna Dato' Sri Maharaja Diraja Abd. Razak pada dasarnya telah juga memersetujui cara perlantikan yang dibuat kerana tanda-tanda tangan telah diturunkan oleh Dato' Dato' Lembaga yang berkenaan sebagai tanda penyerahan mandat memulangkan kepada Kebawah Kaus Y.T.M. Undang Dato'.

Perbuatan Dato' Sri Maharaja Diraja Abd. Razak menyanggah keputusan Undang adalah terkeluar dari peraturan serta menyalahi keadikaan Undang. Doa' sudah ditampung dan perlantikan Dato' Shahbandar telah diakui sah oleh Dewan Ke'adilan dan Undang disamping mengakui juga kesahihan perlucutan jawatan Dato' Sri Maharaja Diraja Abd. Razak sebagai Tua Lembaga Waris DiAir/ Lembaga Tiang Balai Luak Sungai Ujong.

Yang menjadi pokok persoalannya sekarang ini ialah perbuatan dan tindakan Dato' Andika Mendelika dan Dato' Dagang Paroi sebagai Lembaga Tiang Balai Waris diDarat yang turut mencampuri kegiatan mereka yang telah terpecat seumpama Dato' Sri Maharaja Abd. Razak dan Dato' Akhir Zaman Salehan Ismail yang telah luput kuasanya serta tidak lagi memegang apa-apa jawatan dalam Adat. Malah perbuatan Dato' Andika Mendelika dan Dato' Dagang Paroi ini juga telah terkeluar samasekali dari bidang kuasa mereka.

Kedudukan perkara ini sebenarnya adalah dalam pengawasan Dewan Ke'adilan dan Dato' Dato' Lembaga Adat yang telah mengikuti perkembangan yang kurang sehat akibat dari perbuatan dan tindakan kedua-dua Lembaga Tiang Balai Waris diDarat ini yang telah beberapa kali membuat kesilapan demi kesilapan. Untuk mengetahui dengan lebih jelas akan kedudukan perkara ini kita boleh merujuk kembali ulasan dan penjelasan yang dibuat oleh Dato' Sri Maharaja Diraja yang baharu iaitu Dato' Azman Jemlus yang telah diakui sah perlantikannya oleh Dewan Ke'adilan, serta pen-

jelasan Dato' Maharaja Lela sebagai Lembaga Waris Kelana beres-
kap bagi pehak, Dato' Dato' Tiga Persukuan, Buapak-buapak, Juak-
juak serta Waris-Waris DiDarat Perut Hulu dan Perut Hilir. De-
mikian juga akan tindakan-tindakan oleh Dato' Dato' Lembaga yang
terpecat yang juga ada dipaparkan dalam maqalah ini.

Kita sekarang tidak berminat untuk menumpukan atas se-
gala tindak-tanduk Dato' Lembaga yang telah terpecat tapi kita
akan mengikuti secara serius terhadap perbgatan dan tindakan li-
ar dua jaguh 'Adat Waris diDarat ini. Mengapa dan kenapa selama
ini mereka tidak membenarkan kerapatan diadakan dikalangan Wa-
ris-Waris diDarat . Apakah mereka takut menerima tentangan ?
Gentarkah mereka menghadapi kebenaran sekiranya mereka berada di-
pehak yang benar. Kenapa cakap berdolak-dalik ? Langkah dah sum-
bang, perbuatan sudah banyak yang tak betul, yang menyokong ha-
nya segelintir, itu pun mereka yang tak punya pertalian dalam
perjawatan yang sah disisi 'Adat, yang menentang ramai pula dan
termasuklah Dato' Dato' Lembaga 'Adat yang menjadi mangsa dari
perbuatan yang tak dapat dipertanggung-jawabkan oleh mereka.

Crang kalau tak ada pegangan inilah jadinya, meruah tak
ada, budi jauh sekali, berpura-pura sebagai musang berbulu ayan,
gerjaji dua mata sorong makan tarik pun makan, akhirnya rahsia ta
bongkar, tembelang pecah, krisis berpanjangan. Sebagai Dato' La
baga pesorak 'Adat menggunakannya sebagai topeng mencari kesem-
patan merah untung diatas perpecahan dan persengketaan anak-anak
buah.

Diharap pehak-pehak yang berkenaan khususnya Dewan Ke-
'adilan dan Undang dapat mengambil tindakan yang sewajarnya jangan
dibiarkan ' Sebab nila setitik, rosak susu sebelanga ' .

Pembabitan setiap Lembaga 'Adat yang dapat kita ikuti dalam krisis perlantikan Undang Luak Sungai Ujong yang Ke-10 ini adalah atas kuasa dan hak masing-masing. Disebabkan Dato' Anlika Mendelika yang menjerajui usaha mengenepikan 'Adat maka agak sukar juga Lembaga-Lembaga Tiang Balai yang lainnya mengatasi masalah perlantikan ini malah hanya satu jalan yang dapat difikirkan iaitu kerapatan menggunakan suara majoriti yang diputuskan dalam mesyuarat Tiang Balai yang akan menyelesaikan masalah perlantikan ' Undang Luak Sungai Ujong ' ini dapat dilakukan segera dengan bembangan Y.A.M. Dato' Shahbandar kemudian mengisytiharkan nama calon yang dikemukakan oleh Lembaga-Lembaga Waris diDarat yang diketuai sendiri oleh Lembaga Waris Kelantan iaitu Dato' Maharaja Lela.

Sebab kalau ditangguh, sengketa akan berlarutan, bermacam-macam angkara dan tohmah akan ditimbulkan oleh pehak-pehak yang tak bertanggung-jawab, mengungkit-ungkit perkara yang tak sepatutnya mereka untkit, menentang kebenaran, lantaran mengikut perasaan yang keciwa.

Oleh sebab perlantikan ' Undang ' ini ada kait mengait diantara Waris-Waris diDarat dan Waris-Waris diAir seperti yang disebutkan 'Kusut diAir diDarat menyelesaikan, Kusut diDarat diAir pula menyelesaikan' maka amatlah wajar gabungan Lembaga-Lembaga yang terlibat sama ada diAir mahu pun diDarat mengambil keputusan suara majoriti sebagaimana yang telah disebutkan.

Keputusan ini amat penting, dimana ia akan diperakui dan dipersetujui oleh kedua-dua belah pehak yang mempertahankan hak masing-masing yang mempraktikkan peraturan ' Adat datar pe-
daka satu, berlopak-lopak bak sawah, dan beruang-ruang bak duri-
an berasaskan ' Bulat Lembaga menjadikan Undang, Undang bertapak dari Warisnya, Gemuk berpupuk, segar bersiram oleh Warisnya.

Setelah berlakunya krisis yang memakan masa lebih dari dua tahun dan setelah didapati bahawa Dato' Andika Mendelika tidak berupaya menyelesaikan masalah, maka atas daya inisiatif Dato' Maharaja Lela sebagai Lembaga Waris Kelana mengetuai Dato' Dato' Lembaga tiga Persukuan, Buapak-Buapak, Juak-Juak, serta Waris-Waris didarat, Perut Hulu dan Perut Hilir melaksanakan tugas dan tanggung-jawab untuk menyelamatkan 'Pesaka Undang' dari dijadikan bahan penyemah mendapat laba dan mempertahankan kedudukan oleh Dato' Andika Mendelika sendiri.

Hanya dengan usaha yang gigih Dato' Maharaja Lela sebagai tunggak Waris didarat yang terlibat secara langsung dalam menentukan calon dan dengan perundingan boliau dalam beberapa kerapatan dengan pihak-pihak yang terlibat seperti Y.A.M. Dato' Shahbandar dan Lembaga-Lembaga Tiang Balai Luak Sungai Ujong mengambil keputusan menentukan calon yang akan menyandang pesaka kelana dikemukakan melalui saluran-saluran yang sah mengikut 'Adat Luak Sungai Ujong.

Hendaknya janganlah ada yang cuba memutar-belitkan kenyataan mahu pun keputusan muktamad yang dicapai dalam perundingan yang telah pun diadakan mahu pun keputusan yang dibuat oleh Dewan Ke'adilan seperti yang dilakukan oleh Dato' Andika Mendelika dan Dato' Dagang Paroi. Kedua-dua jaguh 'Adat ini cuba memperkecil tidak hanya usaha Lembaga-Lembaga 'Adat yang mempunyai bidang kuasa menegakkan 'Adat, malah menentang serta menyanggah keputusan Dewan yang telah pun merestui perlantikan Y.A.M. Dato' Shahbandar dan mengesahkan perlucutan jawatan Dato' Sri Maharaja Diraja Abd.Razak bin Mohd Jari.

Diharap juga Majlis kerapatan Lembaga Tiang Balai walau tanpa dihadiri oleh Dato' Andika Mendelika yang tentu sudah menyeleweng, dengan bembengan Y.A.M. Dato' Shahbandar Luak Sungai Ujong serta sokongan Dato' Maharaja Lela sebagai Lembaga Waris Kelana yang mengemukakan calon dengan disaksikan oleh Pegawai-Pegawai Tinggi Kerajaan akan mengisytiharkan perlantikan secepat mungkin.

firman Allah :-

1. وَقِيلَ لِلظَّالِمِينَ ذُوقُوا مَا كُنتُمْ تَكْسِبُونَ .

" Dikatakan kepada orang-orang yang aniaya : Rasailah olihmu (balasan) apa-apa yang telah kamu lakukan."

AZ-ZUMAR Hujung AYAT 24

2. فَاتَرَوْمُ الْعَذَابَ مِنْ حَيْثُ لَا يَشْعُرُونَ .

" Lalu mereka ditimpa siksa, sedang mereka tidak sedar."

AZ-ZUMAR Hujung AYAT 25

3. فَإِذَا أَقْبَمَ اللَّهُ الْخَيْرَ فِي الْحَيَاةِ الدُّنْيَا وَوَعَدَآبَ الْآخِرَةِ أَكْبَرَ لَوْ كَانُوا يَعْلَمُونَ .

" Lalu Allah merasakan kehinaan kepada mereka waktu hidup didunia. Sedangkan siksa akhirat terlobih besar ('azab), jika mereka mengetahuinya."

AZ-ZUMAR AYAT 26

4. ذَلِكَ بِمَا قَدَّمْتُمْ أَيْدِيكُمْ وَأَنَّ اللَّهَ لَيْسَ بِظَلَّامٍ لِلْعَبِيدِ .

" Demikian itu, kerana usaha tangan kamu sendiri dan sesungguhnya Allah tiada aniaya kepada hambaNya."

AL-ANFAAL AYAT 51

5. وَلَا تَجَادِلْ عَنِ الَّذِينَ يَخْتَانُونَ أَنفُسِهِمْ إِنَّ اللَّهَ لَا يُحِبُّ مَن كَانَ خَوَّاتًا أَنِيْمًا .

" Janganlah engkau membela orang-orang yang khianat kepada diri mereka sendiri; sesungguhnya Allah tiada mengasihi orang yang khianat lagi berdosa."

AN-NISSAK AYAT 107

Dato' Andika Mendelika telah menerima 'akibah di atas perbuatannya sendiri mengikat hukum dan kehendak Allah. Sebagai penulis maqallah ini saya pernah meramalkan akan nasib yang menimpa beliau bergantung kepada amaran-amaran yang telah dinyatakan Allah didalam Kitab Suci Al-Quran.

Allah menurunkan perkataan yang sebaik-baiknya ia itu Kitab Quran yang terang isi maksudnya, benar riwayat dan kisah didalamnya, tidak berlawanan antara ayat dengan ayat atau surah dengan surah. Didalamnya berulang-ulang kisah dan laungannya, janji-janji baik dan janji-janji jahatnya, nasihat-nasihat dan pengajarannya, gunanya supaya tetap dan masuk kedalam hati dan jiwa setiap orang yang beriman kepada Allah dan Rasulnya, kepada orang-orang yang benar-benar menginsafi bahawa kuasa Allah adalah mengatasi segala kuasa, dan hukum Allah adalah mengatasi segala hukum sebagaimana hukuman yang diterima oleh Dato' Andika Mendelika semasa masih lagi hidup didunia ini, yang berlaku dihadapan mata setiap anak buah dan Lembaga-Lembaga "Adat diluak Sungai Ujung ini. Apabila kita orang-orang mokmin membaca setiap ayat itu, menggunakannya serta memohon kepada Tuhan Rabul-Jalil, yang amat berkuasa, lebih berkuasa daripada sesiapa yang berkuasa didunia ini maka permohonan itu biasanya tidak dipandang sepi oleh Tuhan, bahkan ia dipertimbangkan dengan seadil-adilnya, tegak bulu roma apabila siksaan dan hukuman Tuhan berlaku diatas hambanya tanpa mengira bulu dan pangkat, hukuman seatas setiap insan durjana yang cuba mengingkari ayat-ayatnya tetapi setiap insan yang beriman ayat-ayat itu pula menjadi penerang dan pertunjuk, akan lembut hati dan hilang ketakutan dalam menghadapi sebarang masa'alah mahu pun ancaman. Itulah pertunjuk dan hidayah, ditunjukkannya sesiapa yang dikehendakannya. Dan sesiapa yang disesatkannya maka orang-orang itu adalah mereka yang mengingkari akan ayat-ayatnya.

Dalam 'adat ada dikatakan, " Sesat dihujung jalan, balik kepangkal jalan, sesat dihujung kata, balik kepangkal kata, salah menyembah, kufur bertaubat ; namun Dato' Andika Mendelika tidak mahu lagi memakai kata-kata ini , iaitu kata-kata Perbilangan 'Adat yang beliau sendiri menjadi tanggungannya.

Jadi ternyata Dato' Andika Mendelika telah termasuk dalam golongan orang-orang yang sesat, sekalipun sebahagian siksaaan telah menimpanya. Dan amat mendukacitakan ada diantara tokoh2 (kalau bolih dikatakan tokoh) dalam tanah per'adatan ini buta hati dan buta mata, tidak dapat membezakan mana benar dan mana yang tak benar. Seumpama dalam peraturan pelaksanaan pemilihan Undang Luak Sungai Ujong Yang Ke-10 ini, sudah berapa kali nama Raja Abd. Rahim ditonjolkan, dan siapa pula tokoh-tokoh yang menyokong penonjolan nama itu supaya disahkan menjadi Undang Luak Sungai Ujong Yang Ke-10. Dalam 'Adat mereka ini amat dipandang berat. Kesahihan perlantikan Raja Abdul Rahim memang tak dapat diterima dari segi kebenarannya, dari segi hak dan gilirannya, dari segi 'Adat Istiadat yang teruca terpakai dalam Luak Sungai Ujong ini.

Akhirnya mereka kecundang, orang ber'adat buta 'Adat, orang beragama buta U gama, tak dapat membezakan mana yang hak dan mana yang batil, 'Adat dan U gama dijadikan barang permainan untuk mencuba-cuba nasib atau mencuba untung. Kebenaran dan peraturan hendak ditinggalkan, dasar dan asas 'Adat yang selama ini dapat dipertahankan oleh setiap orang yang ber'adat cuba digugat, yang tak berhak pun cuba menonjol diri mencari kesempatan dimasa keadaan yang mengharu-birukan berlaku, dikala persengketaan ini sampai kekomuncaknya .

Dato' Maharaja Lela,
Zamhari bin Haji Abdul Rahman,
Tua Lembaga Waris Kelana,
Lorong 5, Kampung Baru Pantai,
Seremban,
NEGERI SEMBILAN.

بِسْمِ اللّٰهِ الرَّحْمٰنِ الرَّحِیْمِ

1406 صفر

21hb. Oktober, 1986

Qauluhu 'l-hak

Y.A.M.,
Dato' Shahbandar Sungai Ujong,
Dato' Sha'ari bin Haji Hassan,
Balai Shahbandar,
Kampung Belangan,
NEGERI SEMBILAN.

**Per: PERLANTIKAN UNDANG LUAK SUNGAI UJONG
YANG KE-10**

Dengan nama Allah, Yang Maha Pemurah lagi Maha Mengasihani, bahawa saya Dato' Maharaja Lela sebagai Tua Lembaga Waris Kelana, adalah dengan taksimnya menyusulkan warkah ini sebagai lanjutan kepada 'Memorandum' yang telah saya hantar kepada Dato' pada 29hb. Jun, 1985.

2. Berpandukan kepada peraturan 'adat istiadat Luak Sungai Ujong dan Undang-Undang Tubuh Kerajaan Negeri Sembilan, 1959 serta berpandukan kepada 'Memorandum' yang telah saya hantar kepada setiap yang terlibat dalam perkara perlantikan Undang Luak Sungai Ujong Yang Ke-10 ini bahawa dari segi peraturan 'adat istiadat Luak Sungai Ujong sebagai Tua Lembaga Waris Kelana saya memperakukan bahawa pesaka itu masih tetap lagi diHilir atas sebab musabab yang ditentukan oleh 'adat, koadat' an dan ko'adilan yang di selaraskan dari kata-kata 'adat yang berbunyi:-

" Kalau membahagi sama banyak
Kalau menimbang sama berat
Kalau menghukum biar 'adil."

Firman Allah:-

" ان الله يامر بالعدل والاحسان وايتاى ذى القربى
ونهى عن الفحشاء والمنكر والبغى يعلم تذكرون ."

Ertinya:-

Sesungguhnya Allah menyuruh melakukan ke'adilan dan berbuat kebajikan memberi munafa'at kepada kaum kerabat dan melarang dari berbuat yang keji dan mungkar serta kezaliman. Dia memberi kamu pengajaran mudah-mudahan kamu mendapat peringatan."

Surah : An-Nahl - Ayat 90

3. Memandangkan dari sebab musabab yang timbul serta diperkuatkan oleh suasana-suasana yang berlaku dari perbuatan-perbuatan curang, khianat, pencabulan, tamak dan penyelewengan oleh ketua-ketua 'adatnya sendiri menggunakan kuasa dan kedudukan untuk kepentingan diri menyebabkan krisis perlantikan Undang Luak Sungai Ujong Yang Ke-10 ini berlanjutan hampir masuk tahun yang ketiga; seumpama apa yang telah dilakukan oleh Dato' Andelika Mendelika Mohd Badzil bin Nordin yang terang terang mencabar keutuhan Dewan Ke'adilan dan Undang sebagai Dewan Tertinggi 'Adat dinegeri ini. Beliau tanpa mematuhi sebarang peraturan Undang-Undang sama ada yang tersurat mahu pun yang tersirat. Beliau telah menggunakan kuasanya melaksanakan perlantikan Undang mengikut selernya. Pada hal mengikut 'adat istiadat Luak Sungai Ujong yang sebenarnya bahawa penentuan pemilihan Undang

pada dasarnya adalah ditangan Ibu-Ibu Soko dan Waris-Waris Tua Lembaga Waris (iaitu saya sendiri) berperanan sebagai ketua dan saya adalah saluran pertama dalam menentukan soal pencalunan.

Dalam 'adat dikatakan:-

Adat bertentu bilang beratur
Berjenjang naik bertangga turun
Naik dari jonjang yang dibawah
Turun dari tangga yang diatas

Bulat anak buah menjadikan Buapak
Bulat Buapak menjadikan Lembaga
Bulat Lembaga menjadikan Undang
Bulat Undang menjadikan Raja (Yang Dipertuan

Undang bertapak dari Warisnya
Gemuk berpupuk segar bersiram
oleh Warisnya
Kalau diHulu menyandang pesaka
Dato' Johan Tua Warisnya
Kalau diHilir menyandang pesaka
Dato' Maharaja Lela "Tua Warisnya

Dalam 'adat saya dibantu oleh Lembaga Yang Tiga ia-itu:-

1. Dato' Mentori (Suku Semelenggang)
2. Dato' Raja Dimuda (Suku Biduanda)
3. Dato' Maharaja Inda (Suku Batu Hampar)

Akan Lembaga Yang Tiga ini fungsinya dikenali mengikut ka-ta-kata Perbilangannya 'adatnya:-

" Menebang kayu dan sebatang
Mencanteh akar nag sehelai
Melambuk tanah sebungkah
Membuka-belah negori berponghulu ."

4. Olih itu apa yang ingin saya jelaskan kepada Dato' yang sebenarnya bahawa dalam soal menentukan seseorang calon Undang mengikut Undang-Undang Tubuh Kerajaan Negeri Sembilan, 1959 dan mengikut Terombo 'Adat Luak Sungai Ujong ia ada beberapa peringkat yang mesti dilalui sebelum seseorang calon itu diisytiharkan (sila rujuk kembali) Memorandum saya kepada Dato' bertarikh pada 29hb. Jun, 1985 yang saya percaya masih ada lagi dalam simpanan Dato'. Muka Surat 20-24 yang bertajuk " Kedudukan Dan Peranan Dato' Dato' dalam Pemilihan Undang Luak Sungai Ujong."

Olih itu adalah menjadi tugas kita bersama mematuhi setiap peraturan dari yang serendah-rendahnya sehinggalah kepada yang setingginya, apa lagi jika peraturan-peraturan itu telah ditentukan oleh pihak Dewan sendiri berasaskan peraturan-peraturan serta Undang-Undang yang sudah termaktub sebagaimana yang dijelaskan dalam Undang-Undang Tubuh Kerajaan Negeri Sembilan, 1959 Bab 5 Ceraian 14 (1) yang berbunyi:-

" Undang Luak Sungai Ujong, Undang Luak Jolebu, Undang Luak Johol, dan Undang Luak Rembau, hendaklah orang-orang yang dipilih dengan sahnyanya menurut 'adat Luak mereka Masing-masing."

5. SENARAI NAMA2UNDANG LUAK SUNGAI UJONG

1. DATO' KELANA BADOR	TAHUN 1760	PERUT HULU
2. DATO' KELANA LEHA	TAHUN 1780	PERUT HULU
3. DATO' KELANA BAHU	TAHUN 1800	PERUT HILIR
4. DATO' KELANA KAWAL	TAHUN 1830	PERUT HULU

5. DATO' KELANA SENDENG	TAHUN 1850	PERUT HULU
6. D. KELANA SYED ABD. RAHMAN	TAHUN 1872-1881	PERUT HILIR
7. DATO' KELANA MOHD YUSOF	TAHUN 1881-1889	PERUT HILIR
8. DATO' KELANA MA'AMOR	TAHUN 1889-1945	PERUT HULU
9. DATO' KELANA MOHD KASSIM	TAHUN 1945-1983	PERUT HILIR

Nota:

Perut Hulu telah menyandang pesaka Kelana 5 kali

Perut Hilir telah menyandang pesaka Kelana 4 kali

6 Berpandu kepada senarai diatas dalam masa' alah penentuan giliran ia tidak semestinya sekali kehulu dan sekali kehilir malah biasa digilirkan dua kali kehulu dan dua kali kehilir. Oleh itu setelah dikaji dan dirundingkan dengan Lembaga Yang Tiga saya dapati banyak fakta-fakta yang lainnya maka pesaka itu wajib pada kali ini di-Hilir. Tindakan ini saya lakukan adalah atas sebab-sebab yang disebutkan dibawah ini:

1. Perut Hulu ketiadaan Tua Lembaga Waris Kelana ia-itu Dato' Jehan. Pesaka yang terbenam ini tidak di-timbulkan kembali.
2. Sesuatu tindakan yang dilakukan oleh sebahagian Waris Hulu adalah membelakangkan saya sebagai Tun Lembaga Waris Kelana.

3. Seluruh Waris-Waris Perut Hulu ini terus monorus bersengketa sejak dari Dato' Johan dipecat oleh Ibu Sokonya lebih kurang 10 tahun yang lalu. Saya sendiri telah beberapa kali cuba menyelesaikan masa'alah mereka namun mereka seolah-olah tidak mahu menyelesaikannya sehinggalah saya mengambil tindakan wajar setelah saya dapati mereka berpuk-puk dimana puk yang diterajui oleh Dato' Andelika Mendelika bersama-sama Lembaga yang terpecat terus melaksanakan perlantikan Undang pada 8hb. Mac, 1986 tanpa merundingkannya dengan dua lagi Lembaga Tiang Balai dan Dato' Dato' Lembaga 'Adat Waris diDarat termasuk saya sebagai Tua Lembaga Waris Kelana.

7. Dalam usaha saya bersama Lembaga Yang Tiga membawa dan menogakkan pesaka itu diHilir tidak bererti saya merampasnya malah adalah untuk menyelamatkannya. Peraturan adat menentukan dalam mengatasi sebarang masa'alah dikalangan Waris-Waris diDarat diwaktu ketiada'an salah seorang Tua Lembaga Waris Kelana maka disegi adat hanyir Tua Lembaga Waris Kelana yang ujud sahaja yang bolih mengambil tugas yang seorang lagi. Oleh itu sebagai Tua Lembaga Waris Kelana terpaksa saya menjalankan tugas, disebabkan ketiada'an Dato' Johan membelihkan saya bertindak demikian.

Sebenarnya Waris-Waris Perut Hulu ini pernah saya nasihatkan supaya Dato' Johan diujudkan kalau mereka hendak pesaka. Malah Dato' Andelika Mendelika juga telah memberikan ingatan terakhir kepada Waris-Waris Perut Hulu ini supaya mengujudkan pesaka Dato' Johan dimalam Jenazah Al-Marhum Dato' Kelana Mohd Kassim masih bersemadi diBalai Kebesaran

Undang sebelum istiadat permakaman dijalankan pada keesokan harinya. Namun dalam mesyuarat yang diadakan pada malam itu mereka tidak juga mencapai sebarang keputusan. Dalam waktu yang sama pada malam itu saya selaku Tua Lembaga Waris Kelantan telah diberi mandat oleh Ibu-Ibu Soko, Waris-Waris Perut Hulu dan Perut Hilir supaya melantik dan mengisytiharkan Dato' Andelika Mendelika Mohd Fadzil bin Nordin sebagai 'Pemangku Undang Luak Sungai Ujong' sementara mencari ganti Undang yang baharu.

Tugas ini telah saya jalankan dengan penuh istiadat dimalam yang bersejarah itu. Tetapi amat malang kiranya selepas peristiwa itu, Dato' Pemangku Undang yang diamanahkan oleh seluruh waris-waris untuk menjalankan tugas mencari ganti Undang yang baharu dalam masa 100 hari telah mengabaikan tugas. Seterusnya beliau cuba melewati-lewatkan perlantikan atas tujuan menangguk laba. Nafsunya sudah tidak dapat dikawal lagi maka berlakulah apa yang dikatakan "Orang ber'adat tak tahu akan 'adatnya". Bahkan segala tindak-tanduknya sudah tak ikut peraturan lagi. Dato' Andelika Mendelika sudah mula melangkah surbang

" Menghilir melonjak
Mudik mengacau
Menyukai laba dan tamak
Membuat dosa besar
Menangguk di air keruh
Memasang jerat ditempat genting."

Konsep " Bulat air kerana pembetung " sudah tidak dipakai lagi oleh beliau malah segala perbuatannya sebagai Ketua 'adat sudah banyak terkeluar dari garisan 'adat yang menjadi pedomanannya:-

- " Pesaka hendak dijual beli
Malu nak diagih
Ibarat limau masam sebelah
Ibarat perahu karam sokorat
Ibarat puas condong keperut
Tiba dimata dipicingkan
Tiba diperut dikempiskan ."

Maka terlibatlah dalang-dalang 'adat bersama-sama Dato' Andelika Mondelika yang sudah hilang pedoman yang terdiri dari:-

1. En. Razali bin Khalid (Bekas Dato' Johan).
2. Hj. Abd. Razak bin Jani (Bekas Dato' Sri Maharaja di-
raja).
3. En. Salehan bin Ismail (Bekas Dato' Akhir Zaman).
4. Dato' Mohd Nor Abdullah (Dato' Dagang Paroi).

Mereka ini bolihlah dianggapkan sebagai " Ayam jantan jaguh direban, kokok berderai ekor bergesumang tahi."

8. Pada 4hb. Mac, 1986 bersama'an hari Selasa saya sebagai Tun Lembaga Waris Kelana telah dapat mengumpulkan Waris-Waris di Darat Hulu dan Hilir termasuk Ibu-Ibu Soko Buapak-Buapak, seterusnya Lembaga-Lembaga Luak Sungai Ujong di Balai Undang. Dan dalam masa yang sama saya juga telah mempersilakan Dato' ke Balai Undang sebagai Penasihat dalam majlis kerapatan kami Waris-Waris di Darat bagi membincangkan soal perlantikan Undang Luak Sungai Ujong. Disamping itu saya juga telah mempersilakan kesemua Lembaga Tiang Balai dalam kerapatan itu, kerana sebelum ini Dato' Andelika Mondelika langsung tidak memberikan peluang hatta kepada Da-

to' sebagai Dato' Shahbandar Sungai Ujong menjejak Balai. Ini terbukti dari tindakan beliau mengunci pintu Balai Undang pada 7hb. September, 1985 bersamaan 23 Zulhijah, 1405.

9. Hasrat Dato' sebagai Dato' Shahbandar Sungai Ujong yang ingin mengadakan kerapatan mengokoh 'adat dengan Dato' Dato' Lembaga Tiang Balai, Dato' Dato' Lembaga dan Buapak-buapak Waris diDarat telah digagalkan sama sekali oleh Dato' Andelika Mendelika. Tetapi hasrat saya sebagai Tua Lembaga Waris Kelana Sungai Ujong telah dapat saya jayakan sekali pun ada tentangan dari Dato' Andelika Mendelika. Dari apa yang saya lakukan ini adalah terbukti dengan terang dan nyata bahawa kebulatan Waris-Waris diDarat adalah padu dibelakang saya dengan tidak bolih dipertikaikan oleh mana-mana pehak. Saya telah diberi mandat sebagai Tua Lembaga Waris Kelana yang memegang toraju seluruh Waris-Waris diDarat khususnya Waris Kelana dalam menentukan hak mereka, hak yang dilindungi oleh Undang-Undang dan Perlombagaan negeri ini.

Dengan kebenaran dan perpaduan inilah juga saya mendapat sokongan sepenuhnya dari sebilangan besar Waris-Waris diDarat yang sudah hilang kepercayaan kepada Dato' Andika Mendelika. Dan saya kira dengan keadaan ini saya dapat memberikan kerjasama terhadap Dato' sebagai penasihat untuk menyelesaikan masa'alah perlantikan Undang. Fondapat dan tindakan saya Dato' aku dan juga telah diporsetujui sebulat suara dalam kerapatan pada 4hb. Mac, 1986 itu sebagai Wakil Resmi anak-anak Waris diDarat yang akan menghadsirkan diri dalam semua perbincangan oleh Lembaga-Lembaga Tiang Balai yang berhak sahaja dalam 'adat.

Selain dari itu kerapatan juga telah mengambil keputusan memberi tempoh selama dua minggu dari tarikh kerapatan diadakan kepada Waris-Waris Dato' Andelika Mendelika bagi menentukan kedudukan beliau sebagai Tiang Balai utama kerana beliau telah mengalami cacat anggota selain dari cacat perbuatan mengeneipikan 'adat. Kecacatan anggotanya adalah disebabkan beliau terbabit dalam satu nahas jalan raya dalam bulan Desember, 1985. Kaki kiri Dato' Andelika Mendelika Mohd Fadzil bin Nordin bermula dari pehanya terpaksa dipotong (dikudungkan) kerana nahas itu.

Firman Allah:-

« وَقِيلَ لِلظَّالِمِينَ ادْعُوا مَا كُنتُمْ تَكْسِبُونَ فَاتَهُم
العذاب من حيث لا يشعرون ، فاذا ألقوا إلى الله الخزي
في الحياة الدنيا ولعذاب الآخرة أكبر لو كانوا يعلمون .»

Ertinya:-

«Dan telah dikatakan kepada orang-orang yang aniaya, rasailah olinmu balasan apa-apa yang telah kamu lakukan, lalu mereka ditimpa siksa sedang mereka tidak sedar, lalu Allah jadikan mereka hina semasa hidup didunia sedang siksa akhirat terlebih besar 'azabnya jika mereka mengetahuinya.»

Kosimpulannya Dato' Andelika Mendelika Mohd Fadzil bin Nordin telah mengalami kecacatan anggota. Hukum Allah telah berlaku keatasnya. Dari segi hukum 'adat pula sama ada mengiktiraf mahu pun menyingkirkannya terpulanglah kepada budi bicara setiap orang yang memegang teraju 'adat, tetapi apa yang nyata amat jelas Perbilang-an 'Adat ada menyebutkan:-

" Pada 'adat menimbulkan yang baik
Menghilangkan yang buruk
Pada Syarak menyuruh buat baik
Menegah membuat yang mungkar
Yang usang diperbaharui
Yang elok dipakai
Yang buruk dibuang ."

Kalau yang buruk disimpan juga bermakna menca-catkan 'adat namanya, tetapi kalau menyingkirkannya ber-erti kemantapan 'adat itu tetap terpelihara dari anasir-anasir yang akan merosakkannya. Dan sebagai Tua Lembaga Waris Kelana saya berpendapat bahawa Dato' Andelika Mon-delika sudah tidak mampu menyempurnakan tugasnya sebagai Ketua 'Adat; bahkan tindakan seterusnya eloklah dipulang-kan kepada ketetapan dan tindakan seluruh warisnya.

10. Apa yang menjadi tanggung-jawab saya sebagai Tua Lembaga Waris Kelana ialah untuk meyakinkan seluruh wa-ris-waris sama ada Perut Hulu atau Perut Hilir bahawa tindakan yang saya ambil seterusnya adalah terlebih dahu-lu saya rujukkan kepada Lembaga Yang Tiga dan penelitian

saya dalam memberikan ketentuan adalah keputusan dari perundingan terhadap kelayakan seseorang calon mengikut peruntukan-peruntukan yang tercatat dalam Terombo 'adat Luak Sungai Ujong yang sebahagian daripadanya ada dinukilkan kembali dalam Buku 'Negeri Sembilan Dan Sejarahnya' oleh Abdul Samad bin Idris (sekarang bergelar Tan Sri/ Dato') Maka Surat 61 yang berbunyi:-

- " Waris Kelana, dua orang 'Ibu Bapa' ialah Dato' Maharaja Lela Waris Hilir dan Dato' Johan Waris Hulu. Dato' Dato' ini berkuasa memilih sa-siapa yang patut menjadi Dato' Kelana Sungai Ujong. Sabenarnya Dato' Dato' yang dikatakan Waris Kelana ia-lah 'Ibu Bapa' kepada dua keturunan Perut yang tertinggi di-Sungai Ujong ia-itu Waris Hilir dan Waris Hulu."

Tetapi walau bagaimana pun saya amat mengharapkan kemaufakatan dan perundingan dari semua pihak yang terlibat berpandukan kepada nasihat Dato' pada 4hb. Mac, 1986 itu. Kita harus bersama menjayakan satu peralihan yang berasaskan peraturan dan tata susila per'adatan, mengikut gilir dan hak kepada sesiapa yang berhak menyandanginya, disiasat-selidik keturunannya oleh Lembaga yang Tiga, dikaji dan disusur-galur dari Salasilah asal, keturunan Undang Sungai Ujong yang berandika dan direstui pula oleh Tua Lembaga Warisnya yang berpuas hati atas ketokohan dan kelayakan calon dari baka yang baik dan Soko yang berpesaka.

Saya bagi pihak Waris-Waris, Ibu-Ibu Soko dan seluruh Dato' Dato' Lembaga Waris di Darat amat menyanjung tinggi diatas pandangan dan nasihat Dato' kepada kami dalam kerapatan di Balai Undang pada 4hb. Mac, 1986 dimana Dato' telah mengingatkan Dato' Dato' Lembaga dan ketua-ketua 'adat yang turut hadir dalam kerapatan dihari yang bersejarah itu supaya sentiasa menjalankan tugas dengan jujur dan ikhlas demi menjaga perpaduan anak-anak Waris .

11. Olih sebab 'adat itu satu budaya yang amat tinggi nilainya, murni sifatnya tentu akan menjadi sebutan dan kenangan kalau kita terus menghayati sifat kemurniannya itu untuk ikutan jenerasi dimasa yang akan datang. mudah-mudahan yang koruh dapat dijernihkan, dan yang kusut dapat diselesaikan.

" Bila faham dah sesuai
Bila benar dah seukur
Terbayang tuah pada sekata
Tercapailah niat dan tujuan."

Sebenarnya dalam ke'adaan yang agak kritikal sekarang ini disebabkan adanya ancaman-ancaman yang diterajui oleh dalang-dalang 'adat yang terdiri dari Lembaga-Lembaga yang terpecat, kita pentingkan perpaduan dan kerjasama untuk menghadapi mereka, kita perlu menegakkan kebenaran yang bolih meyakinkan kepada pihak yang berkenaan khususnya pihak Dewan dan Kerajaan untuk membuktikan kesahihan tindakan kita .

Saya sendiri amat khuatir kalau kita terus bersengketa tanpa menghiraukan sebarang pandangan mahu pun nasihat dari Dewan supaya menyegerakan perundingan bagi mengatasi masa'alah perlantikan ini, kita sendiri akan menerima risikonya. Bagi pehak saya dan Dato' Dato' Waris diDarat (tidak termasuk Dato' Dato' yang menjadi dalang 'adat) akan sentiasa menyebelahi Dato' selagi pehak Dato' masih meyakini yang kita bolih bokerjasama bagi menegakkan kebenaran dan mengujudkan persefahaman. Saya tidak mahu dituduh sebagai seorang yang tidak mempunyai pendirian dan pedoman atau sebagai ketua yang tidak dapat mempertanggung-jawabkan amanah yang dipikulkan kebahu saya oleh seluruh Waris-Waris diDarat khususnya Waris Kelana.

Pandangan ini saya kemukakan kepada Dato' ialah dik 'adat itu datar, pesaka satu, beruang-ruang bak durian, berlopak-lopak bak sawah, lubuk orang jangan dikacau , hak orang jangan diusik, kita sama-sama berhak memelihara pesaka ini dan mempertahankannya supaya tidak dijadikan barang gadaian seperti yang dilakukan oleh Dato' Andelika Mendelika dan kuncu-kuncunya. Dik pesaka itu hak bersama, " Tumbuhnya ditanam, sagurnya disiram dan suburnya dibaja baka kata 'Adat:-

Telur sebiji sama ditatang
Pesaka satu sama di-bela."

Amatlah tidak wajar sekali peraturan dalam menentukan pesaka ' Undang Luak Sungai Ujong ' ini dibuat sesuka hati seperti yang dibuat oleh Dato' Andelika Mendelika, tanpa perundingan dan kerapatan, tanpa kerela'an serta persetujuan Lembaga-Lembaga 'Adatnya, iaitu Lembaga-Lembaga 'Adat yang sama-sama dipertanggung-jawabkan bagi mengawasi sebarang penyelowongan oleh sesiapa sahaja.

Olih sebab perlantikan ' Undang ' ini ada ka-
it mengait diantara Waris-Waris diDarat dan diAir seperti
yang disebutkan ' Kusut diAir diDarat menyelesaikan, kusut
diDarat diAir menyelesaikan namun asas penyelesaiannya ada-
lah bertapak dari Waris-Warisnya sebagaimana yang saya te-
rangkan berulang kali bahawa ' Undang itu bertapak dari wa-
risnya, gemuk berpupuk segar bersiram olih Warisnya.'

Akan tetapi hak memelihara dan melindunginya
dari anasir-anasir yang akan merosakkannya adalah tertang-
gung diatas bahu kita bersama bak kata Perbilangannya:-

" Ibarat labu menjalar kohulu
Ibarat kundur menjalar kohilir
Pangkalnya sama dipupuk
Pucuknya sama digotis
Buahnya sama dipetik."

Sekian,

وبالله التوفيق والحمد لله

.....
(DATO' MAHARAJA LELA)
ZAMHARI B.HAJI ABD. RAHMAN.

.....
(DATO' MENTERI)
SAHAL BIN ABD. RAOF

.....
(DATO' RAJA DIMUDA)
HJ. ZAINUDDIN B. MUSA

.....
(DATO' MAJINDA)
ABD. GHAFAR BIN
HAJI TAHIR

Malinan Kepada:-

• Duli Yang Maha Mulia
Yang M-Portuan Besar,
NEGERI SEMBILAN.

(Tuanku Ja'afar ibni Almarhum Tuanku Abdul Rahman, DK., DMN.,
DK (Brunei), DK (Kelantan), DK (Kedah), DK (Selangor), DK (Johor).

Yang Amat Mulia
Dato' Mendika Menteri Akhirulsaman,
Undang Luak Jelebu.
KUALA KELAWANG.

(Dato' Haji Musa bin Wahab, DTMS., PJK.).

Yang Amat Mulia
Dato' Johan Pahlawan Lela Perkasa Sitiawan,
Undang Luak Johol,
JOHOL.

(Dato' Haji Abdul Rahman bin Mohd. Sam).

Yang Amat Mulia
Dato' Sedia Raja,
Undang Luak Rombau,
Rombau.

Dato' Haji Adnan bin Ma'ah, DTMS).

Yang Amat Mulia
Tunku Besar Tampin,
TAMPIN.

(Tunku Syed Idrus bin Tunku Syed Mohammad, DTMS).

Yang Amat Mulia
Tunku Besar Sri Menanti,
KUALA PILAH.

Tunku Muhris ibni, Almarhum Tuanku Munawir, DKYR., FFT).

7. Yang Amat Berhormat
Dato' Menteri Besar,
Negeri Sembilan,
SEREMBAN.
(Dato' Mohd Isa bin Dato' Haji Abd.Samad, **DBNS, PNC.**).
8. Yang Berhormat
Tuan Setiausaha Kerajaan,
Negeri Sembilan,
SEREMBAN.
(Encik Amirruddin bin Kaharuddin).
9. Yang Berhormat
Tuan Penasihat Undang-Undang Negeri,
Negeri Sembilan,
SEREMBAN.
(Encik Abu Samah bin Nordin).
10. Yang Berbahagia,
Tuan Setiausaha,
Dewan Ke'adilan dan Undang,
Negeri Sembilan,
SEREMBAN.
(Tuan Haji Abdul Hamid bin Lassim).
11. Yang Mulia,
Dato' Sri Maharaja Diraja,
Lembaga Tiang Balai Sungai Ujong,
SEREMBAN.
(Dato' Asman bin Jamlus).
12. Yang Mulia
Dato' Mida Labu,
Lembaga Tiang Balai Sungai Ujong,
LABU.
(Dato' Zainuddin bin Haji Abdullah).

Dato' Andelika Mendelika Mohd Fadzil bin Nordin ini sebenarnya memang telah banyak melakukan kesalahan-kesalahan 'adat. Sebab itu disegi 'adatnya beliau tidak dibolihkan menjalankan tugas sebagai ketua 'adat ia-itu sebagai Lembaga Tiang Balai utama Luak Sungai Ujong. Ini adalah disebabkan beliau tidak berupaya atau dengan perkataan lainnya beliau tidak berkelayakan bertindak sebagai ketua untuk mengatasi sebarang masaalah bagi menyelesaikan perkara perlantikan Undang Luak Sungai Ujong Yang Ke-10 ini. Kekosongan jawatan penting ini telah masuk ke-tahun yang ketiga. Sebagaimana yang diketahui umum bahawa Dato' Andelika Mendelika Mohd Fadzil bin Nordin beserta dua lagi Lembaga Tiang Balai yang terpecat ia-itu bekas Dato' Sri Maharaja Diraja Haji Abdul Razak bin Mohd Jani dan bekas Dato' Akhirzaman Salehan bin Ismail dengan disokong oleh Dato' Dagang Farol Mohd Nor bin Abdullah sekali lagi telah melantik Raja Abdul Rahim bin Raja Abdul Razak Al-Haj sebagai Undang Luak Sungai Ujong Yang Ke-10 pada 8hb. Mac, 1986.

Tetapi walau bagaimana pun Dewan Keadilan dan Undang Negeri Sembilan sebagai Dewan tertinggi 'adat di-negeri ini tetap menolaknya kerana ternyata bahawa perlantikan itu adalah diluar dari peraturan 'adat istiadat. Dengan penolakan ini adalah terbukti bahawa kesahihan perlantikan Raja Abdul Rahim bin Raja Abdul Razak Al-Haj memang tidak dapat diterima dari segi 'adat istiadat yang teruca dan terpakai dalam Luak Sungai Ujong ini. Dato' Andelika Mendelika sendiri telah cacat anggoutanya selain dari cacat perbuatannya mengeneipikan 'adat yang walau bagaimana pun tindakan beliau tidak akan dapat diakui dan diterima oleh mana-mana majlis peradatan. Ini menguatkan lagi hujjah mengapa dan kenapa Dato' Andelika Mendelika Mohd Fadzil bin Nordin tidak dibolihkar melaksanakan tugas-tugas 'adat, khususnya bagi melaksanakan perlantikan Undang yang mesti dilakukan mengikut peraturan 'adat yang sebenarnya.

Ulasan ini dibuat adalah berasaskan kepada perkara dan peristiwa yang berlaku dengan sebenarnya dimana Dato' Andelika Mendelika Mohd Fadzil sendiri telah menerima padah dari perbuatan curangnya. Peristiwa seperti ini belum pernah terjadi sebelumnya di Luak Sungai Ujong ini akibat dari tindakan liar dan curang ketua 'adatnya Dato' Andelika Mendelika Mohd Fadzil bin Nordin yang amat banyak melakukan kesalahan-kesalahan 'adat jika hendak diditilkan satu persatu.

Mengikut peraturan yang sebenarnya dalam melaksanakan peraturan 'adat, kemufakatan mestilah diwujudkan diantara Dato' Dato' Lembaga 'adat yang berhak dalam bidang kuasa masing-masing untuk mengatasi sebarang masalah. Di Sungai Ujong ini umpamanya berlunaskan kepada peraturan-peraturan itu walau pun tanpa Dato' Andelika Mendelika, Undang masih bolih dilantik dan masih bolih diwujudkan dengan syarat persetujuan mesti diperolehi dari setiap mereka yang terlibat, perundingan mesti dijalankan, alur mesti diikuti, peraturan jangan ditinggalkan dan asas per'adatan mesti dijaga. Jauhlah dari melakukan penyelewengan seperti apa yang dilakukan oleh Dato' Andelika Mendelika Mohd Fadzil bin Nordin sebagai Tiang Balai utama yang telah mengkhianati konsep per'adatan demi untuk kepentingan diri dan bukan kepentingan seluruh anak-anak buah.

Sehingga kesa'at ini walau pun ada sedikit percanggahan diantara Waris-Waris di Darat Luak Sungai Ujong yang diketuai oleh Dato' Maharaja Lela sebagai Tua Lembaga Waris Kelana dan Tunggak Waris di Air Dato' Shahbandar namun dalam menentukan hak pesaka Undang Luak Sungai Ujong ini peranan dan kewibawaan Dato' Maharaja Lela sebagai Tua Lembaga Waris Kelana tidak sewajarnya diperkecilkan oleh mana-mana pihak sekali pun oleh Dato' Shahbandar. Malah bidang kuasa Dato' Shahbandar sebagai Tunggak Waris di Air dari segi 'adatnya tidaklah sampai dibolihkan Dato' Shahbandar mengambil bulat-bulat kuasa dari Dato' Dato' Lembaga yang berhak dalam perjawatan masing-masing bagi menentukan calon sumpama Dato' Maharaja Lela sebagai Tua Lembaga Waris Kelana yang diperkokoh kedudukannya oleh Lembaganya Yang Tiga di Pantai yang akan tetap menegakkan peraturan-peraturan bagi menentu-

kan calon mengikut sistem per'datan yang dipesakai turun-temurun di Luak Sungai Ujong ini. Bahkan Tua Lembaga Waris Kelana Dato' Maharaja Lela ini mempunyai hak asasi bagi menentukan calon iaitu setelah dirundingkannya dengan Lembaga Yang Tiga yang dikenali sebagai:-

- (1) Dato' Menteri (Suku Semelenggang)
- (2) Dato' Raja Dimuda (Suku Biduanda)
- (3) Dato' Maharaja Inda (Suku Batu Hampar)

dan fungsinya Lembaga Yang Tiga ini adalah:-

- " Menebang kayu nan sebatang
- Mencanteh akar nan sehelai
- Melambuk tanah nan sebungkah
- Membuka belah negeri berpenghulu . "

Berasaskan kepada hak asasi inilah kita yakin bahawa Dato' Maharaja Lela adalah seorang yang layak tampil kemuka untuk menyelesaikan masalah yang telah tiga tahun dibiarkan menyebabkan keutuhan Dewan dan kecekapan Kerajaan turut diperkatakan, mudah-mudahan usaha gigih Dato' Maharaja Lela berserta Dato' Dato' Lembaga yang lainnya dalam Luak Sungai Ujong yang sedar dan waspada terhadap anasir-anasir yang tidak diingini, dapat meyakinkan pihak Dewan dan Kerajaan supaya turut memberikan panduan bagi pergerakan perlantikan Undang Luak Sungai Ujong Yang Ke-10 ini.

Hendaknya akan terhindarlah perbuatan-perbuatan yang bercanggah dengan peraturan, seumpama ada diantara Dato' Dato' Lembaga yang telah dipertanggungjawabkan cuba mengatasi bidang kuasa pihak lainnya dalam perkara menentukan calon, kerana calon itu sendiri dapat ditentukan oleh setiap Lembaga 'adat mengikut peringkat dan tahap penentuan yang dibuat mengikut susur-galur dan giliran oleh Lembaga 'Yang Tiga dipereنگkat awalnya kerana Lembaga Yang Tiga di Pantai sahaja yang faham benar-benar akan Salasilah dan Terombo 'adat

ditempat 'adat itu berdiri. Tetapi tugas Lembaga Tiang Balai ialah mengadakan perundingan dengan Dato' Maharaja Lola sebagai Tua Lembaga Waris Kelana yang telah diberi kuasa dan mandat oleh Lembaga Yang Tiga, Buapak-Buapak, Ibu-Ibu Soko dan Waris-Waris Kelana seluruhnya.

Walau pun dalam masaalah perlantikan Undang ini ia ada kait mengait diantara Waris-Waris diDarat dan Waris diAir iaitu seperti yang disebutkan " Kusut diAir diDarat menyelesaikan, kusut di Darat di Air menyelesaikan, namun sebagaimana yang terbokti sebagai Tunggak Waris di Air Dato' Shahbandar tidak berupaya melaksanakan tugas ini. kekeciwaan Dato' Shahbandar adalah disebabkan kurang sokongan dari Lembaga-Lembaga 'adatnya sendiri, dan Lembaga-Lembaga 'Adat Waris diDarat pada keseluruhannya tidak menyokong samasekali Dato' Shahbandar memaikan peranannya untuk menyelesaikan masaalah Waris-Waris diDarat disebabkan beliau sebagai Tunggak Waris Di Air mempunyai banyak masaalah yang tak dapat diselesaikan.

Berpegang kepada prinsip 'adat dan keputusan-keputusan yang telah dicapai diantara Lembaga Lembaga 'adat yang masih berwibawa dan berfungsi (tidak termasuk Lembaga-Lembaga 'adat yang dilucutkan jawatannya) kuat keyakinan kita mengatakan bahawa penglaksanaan 'adat bagi menentukan pemilihan Undang Luak Sungai Yang Ke-10 ini dapat dijalankan dengan sebaik-baiknya mengikut peraturan 'adat yang berasaskan muafakat dan perundingan diantara dua Lembaga Tiang Balai Waris di Air iaitu Dato' Sri Maharaja Diraja Azman Jamlus dan Dato' Muda Labu Zainuddin bin Haji Abdullah dengan Dato' Maharaja Lola sebagai Tua Lembaga Waris Kelana (tidak termasuk dua Lembaga Tiang Balai Waris di Darat, iaitu Dato' Andelika Mendolika Mohd Fadzil bin Nordin, dan Dato' Lagang Paroi Mohd Nor bin Abdullah, kerana kedua-duanya telah menyeleweng dan telah mengonepikan peraturan 'adat serta menyanggah keputusan dan arahan Dewan) semoga perundingan dan kemuafakatan ini dapat menyelesaikan masaalah menentukan calon yang berlatar-belakangkan 'adat, maka calon itu akan disiytharkan sebagai Undang Luak Sungai Ujong Yang Ke-10.

Walaupun biasa dibuat tugas bagi mengis-
nama calon dilakukan oleh Dato' Shahbandar tetapi
babkan keenggannya memberikan kerjasama dalam menentu-
kan hak pesaka mengikut peraturan 'adat maka tugas itu
perlu diserahkan kepada pihak Kerajaan atau pun kepada
salah seorang Ibu Soko Waris di Darat sebagaimana yang
pernah dilakukan semasa mengisytiharkan perlantikan Un-
dang Luak Johol. Ini dilakukan adalah semata-mata untuk
mententeramkan keadaan dan mengelakkan kekecohan dihari
perisytiharan itu nanti.

Kita semua maklum, bahawa siapa yang bakal meng-
isytiharkan nama calon tidaklah menjadi persoalan, malah
yang menjadi tumpuan utama bagi pemrosesan bakal calon
sehingga kesia'at mengisytiharkannya harus diambil perha-
tian berat supaya ia tidak bercanggah dengan keputusan-
keputusan yang dibuat mengikut 'adat. Akan Dato' Shahbandar
yang selama ini telah menunjukkan telatah dan gerak-
langkah yang kurang menyenangkan dan cuba melibatkan diri
secara langsung dalam pertikaian pemilihan Undang serta
menggunakan Balai Undang untuk mencari pengaruh dika-
langan Waris-Waris diDarat maka tindakannya itu pada he-
mat kami Lembaga-Lembaga Waris diDarat adalah mengganggu
kuasa-kuasa pegangan kami Lembaga-Lembaga Waris diDarat.
Oleh itu jika sekiranya Dato' Shahbandar tidak menghorma-
ti hak asasi kami sebagai Lembaga-Lembaga Waris diDarat
yang mempunyai kuasa mutlak atas pesaka ' Undang ' maka
apa saja rupa bentuk penglibatan dan tindakannya tidak
akan kami relakan, malah kami tetap mempertahankan sis-
tem per'adatan kami yang diselaraskan dari kata-kata Per-
bilangannya yang berbunyi, "Bulat Lembaga menjadikan Un-
dang, Undang bertapak dari Warisnya, Gemuk berpupuk segar
bersiram oleh Warisnya ."

Kami akan menentang sesiapa sahaja yang cuba
menggugat koutuhan perjalanan 'adat kami, tentangan yang
berasaskan Perlembagaan dan Undang-Undang 'adat itu sen-
diri, yang berlukis berlembaga, berhadis berfirman, ber-
tunggul berpemaranan, nan diucap dipakai sebagai prinsip
per'adatan bagi setiap orang yang ber'adat.

Dato' Maharaja Lela,
Zuhari bin Haji Abdul Rahman,
Tua Lembaga Waris Kelana,
Lorong 5, Kampung Huru Pantai,
Seremban,
NEGERI SEMBILAN.

بِسْمِ اللّٰهِ الرَّحْمٰنِ الرَّحِیْمِ

18 ربيع الاول 1407

Qauluhu'l-hak

20hb. November, 1986

Y.A.B. Dato' Menteri Besar,
Negeri Sembilan,
Dato' Mohd Isa bin Dato' Haji Abdul Samad, DSNS, PMC.,
Pejabat Menteri Besar,
70502 Seremban.

PER: PERLANTIKAN DAN PERISYTIHARAN BAKAL PENYANDANG BARU Y.A.M. DATO' KELANA PETRA UNDAANG LUAK SUNGAI UJONG YANG KE 10

Y.A.B. Dato' ,

Dengan Nama Allah Yang Maha Pemurah lagi Maha Mengasihani, bahawa saya Dato' Maharaja Lela sebagai Tua Lembaga Waris Kelana, dengan hormatnya merujuk kepada perkara diatas dan kepada surat daripada Dewan Keadilan dan Undang Bil. (59) dlm. SUDKU.2C/83 Pt 11 bertarikh 3hb. Mac, 1986 yang di'alamatkan kepada kerani Balai Undang, bagi penglaksanaan perlantikan dan pengisytiharan Bakal Penyandang Baru Undang Luak Sungai Ujong Yang Ke 10 maka suka saya menyarankan disini untuk tindakan Y.A.B. Dato' serta Dewan Keadilan dan Undang dan tindakan kami Waris-Waris Kelana selanjutnya.

2. Memandangkan kekosongan jawatan ini telah memakan masa lebih dari tiga tahun maka saya rasa adalah menjadi tugas bersama baik dari pihak Dewan mahu pun dari pihak Y.A.B. Dato' dan kepada sesiapa sahaja yang ada perkaitannya dengan tugas-tugas perlantikan seperti empat Lembaga Tiang Balai yang telah gagal mengadakan perundingan disebabkan keengganan Dato' Andelika Mendelika Mohd Fadzil bin Nordin dan Dato' Dagang Parol Mohd Nor bin Abdullah mematuhi arahan Dewan Keadilan dan Undang mengikut garis panduan yang telah ditetapkan.


Olih itu setelah merundingkannya dengan Lembaga Tiang Yang Ke-Tiga pentingnya di Luak Sungai Ujong sesudah Dato' Andelika Mendelika Mohd Fadzil bin Mordin iaitu Dato' Sri Maharaja Azran bin Jamlus yang diiktiraf oleh Dewan maka beberapa keputusan telah dicapai diantara saya dengan Dato' Sri Maharaja untuk menyegerakan perlantikan dan pengisytiharan Undang Luak Sungai Ujong Yang Ke 10 ini dengan berpandukan keputusan Dewan.


Sebagai Tua Lembaga Waris Kelana, mewakili pihak Waris Ibo, Ibu Ibu Soko, Buapak-Buapak, Dato' Dato' Lembaga, seterusnya saya yang Tiga, Waris-Waris di Darat Luak Sungai Ujong, saya telah mengharapkan pihak Y.A.B. Dato' dan pihak Dewan Keadilan dan Undang dapat memberikan kerjasama untuk saya menjalankan tugas dengan Lembaga Tiang Balai yang masih patuh kepada arahan Dewan Keadilan dan Undang Negeri Sembilan iaitu sesudah saya dapati Dato' Andelika Mendelika sebagai Tiang Balai Utama Luak Sungai Ujong patuh akan arahan-arahan Dewan menjalankan tugas. Tugas ini saya lakukan adalah berpandukan kepada Trombo 'Adat Luak Sungai Ujong dan Undang-Undang Tubuh Kerajaan Negeri Sembilan, 1959, sila lihat salinan surat saya kepada Y.A.B. bertarikh 21hb. Oktober, 1986. Sebagai Tua Lembaga Waris Kelana saya juga bertanggung-jawab dalam menentukan sesiapa yang patut jadi Dato' Kelana Petra Undang Luak Sungai Ujong iaitu setelah saya merundingkannya dengan Lembaga Yang Tiga juga Lembaga-Lembaga yang lainnya dalam Luak Sungai Ujong.


Olih itu sebelum saya menjalankan upacara perlantikan mengikut 'adat istiadat Luak Sungai Ujong terlebih dahulu saya rujukkannya kepada pihak Dewan Keadilan dan Undang untuk meminimalkan nasihat dan pandangan berpandukan pada Bab 6 Ceraian 16, Undang-Undang Tubuh Kerajaan Negeri Sembilan, 1959 yang berbunyi:-


- " Hendaklah ada sebuah Dewan Keadilan dan Undang yang dinamakan dalam bahasa Inggrisnya, " The Council of the Yang di-Pertuan Besar and the Ruling Chiefs " yang kemudian dari ini disebut sebagai Dewan untuk menasihatkan atas soal-soal berkenaan dengan 'adat istiadat orang-orang Melayu dimana-mana tempat dalam negeri ini


Sekian dimaklumkan dan diharap mendapat jawapan dengan segera.


.....
(DATO' MAHARAJA LELA)
ZAMHARI BIN HJ. ABD. RAHMAN


.....
(DATO' AMAR SETIA)
ABD. RAHMAN BIN DATO'
KELANA MOHD KASSIM


.....
(DATO' MENTERI)
BAHAL BIN ABD RAOF


.....
(DATO' RAJA DIMUDA)
HJ. ZAINUDDIN BIN MUSA


.....
(DATO' MAJLIS)
ABD. GHAFAR BIN
HAJI TAHIR

Salinan Kepada:-

1. Duli Yang Maha Mulia
Yang Di-Pertuan Besar,
NEGERI SEMBILAN.
(Tuanku Ja'afar ibni Almarhum Tuanku Abdul Rahman, DK., DMN.,
DK(Brunei), DK(Kelantan), DK(Kedah), DK(Selangor), DK(Johor)).
2. Yang Amat Mulia
Dato' Mendika Menteri Akhirulzaman,
Undang Luak Jelebu.
KUALA KELAWANG.
(Dato' Haji Musa bin Wahab, DTNS., PJK.).

3. Yang Amat Mulia
Dato' Johan Pahlawan Lela Perkasa Sitiawan,
Undang Luak Johol.
(Dato' Haji Abdul Rahman bin Mohd Som).

4. Yang Amat Mulia
Dato' Sedia Raja,
Undang Luak Rombau.
(Dato' Haji Adnan bin Ma'ah, DTNS).

5. Yang Amat Mulia
Tunku Besar Tampin,
(Tunku Syed Idrus bin Tunku Syed Mohammad, DTNS).

6. Yang Amat Mulia
Tunku Besar Sri Menanti.
(Tunku Muhriz ibni Almarhum Tuanku Munawir, DKYR., PPT).

7. Yang Amat Mulia
Dato' Shahbandar Sungai Ujong,
Balai Dato' Shahbandar,
Kampung Belangkan.
(Dato' Kaptan (B) Shaari bin Haji Hassan, PJK).

8. Yang Berhormat
Tuan Setiausaha Kerajaan, Negeri Sembilan,
Pejabat Setiausaha Kerajaan,
Seremban.
(Encik Amirruddin bin Kaharuddin).

9. Yang Berhormat
Tuan Penasihat Undang-Undang Negeri,
Seremban.
(Encik Abu Samah bin Nordin).

10. Yang Berbahagia
Tuan Setiausaha Dewan Ke'adilan dan Undang,
Istana Hinggap,
Seremban.
(Tuan Haji Abdul Hamid bin Lassim).

11. Yang Mulia
Dato' Sri Maharaja Diraja,
Lembaga Tiang Balai Sungai Ujong,
Seremban.
(Dato' Azman bin Jamlus).

12. Yang Mulia
Dato' Muda Labu,
Lembaga Tiang Balai Sungai Ujong,
Labu.
(Dato' Zainuddin bin Haji Abdullah).

13. Yang Berbahagia
Tuan Pegawai Daerah Seremban,
70990 Seremban.

14. Yang Berbahagia
Tuan Pegawai Daerah Port Dickson,
71000 Port Dickson.

Dalam memperkatakan hak asasi Lembaga-Lembaga 'Adat Waris diDarat yang diterajui oleh Tua Lembaga Waris Kelana yang mempunyai kuasa mutlak atas pesaka ' Undang' ia ada tercatat dalam Terombo 'Adat Luak Sungai Ujong di mana sebahagian daripadanya ada dinukil kembali oleh Tan Sri/Dato' Haji Abdul Samad Idris dalam bukunya yang berjudul ' Negeri Sembilan dan sejarahnya ' Muka Surat 61 dalam perenggan yang berbunyi:-

" Waris Kelana, dua orang 'Ibu Bapa ialah Dato' Maharaja Lela Waris Hilir dan Dato' Johan Waris Hulu. Dato' Dato' ini berkuasa memilih sesiapa yang patut menjadi Dato' Kelana Sungai Ujong. Sebenarnya Dato' Dato' yang dikatakan Waris Kelana ialah ' Ibu-Bapa ' kepada dua keturunan Perut yang tertinggi di Sungai Ujong iaitu Waris Hilir dan Waris Hulu."

Membaca dan meneliti akan perenggan ini maka tidak ada sesiapa yang bolih mengatakan dari segi adatnya bahawa hak menentukan pesaka ' Kelana' itu bukan hak Dato' Maharaja Lela dan Lembaga Yang Tiga dalam menentukan 'adat mereka. Kalau hak ini yang ternyata sebagai hak asasi mereka waris-waris diDarat cuba diketepikan oleh pehak pehak yang tertentu, sekali pun pehak Dewan Ke'adilan dan Kerajaan, maka ini pada hemat kita yang patuh kepada Undang-Undang dan menyanjung prinsip Perlembagaan adalah perluatan yang bertentangan samasekali dengan apa yang dikatakan ' ke'adilan ' juga bolih ditakrifkan mencemarkan Perlembagaan yang juga berasaskan prinsip 'Rukun Negara' untuk menjamin ketenteraman dan keharmonian hidup bermasyarakat.

Dalam konteks penyusunan masyarakat kenegaraan seperti diMalaysia ini umpamanya, maka hak kedaulatan wilayah (Luak) itu juga dilindungi. Ini adalah berdasarkan article 181 (1) Perlembagaan Persekutuan yang berbunyi:-

" Tertakluk kepada peruntukan Perlembagaan ini, kedaulatan, kuasa dan bidang kuasa Raja-Raja dan hak kedaulatan kuasa dan bidang kuasa Pembesar-Pembesar Mencerintah Negeri Sembilan dalam wilayah mereka masing-masing sebagaimana yang telah ada dan dinekmati hingga sekarang tetap tidak tersentuh ."

Jadi diluak Sungai Ujong ini walau pun dimasa ketiadaan Undang-nya namun andika dan kuasa Undang tetap ada dan ujud ditangan Waris-warisnya iaitu Waris Kelana yang diterajui oleh Tua Lembaga Warisnya Dato' Maharaja Lela yang pada asasinya berhak menentukan dan mengujudkan ' Undang Kelana ' mengikut proses per'adatan yang berpandukan Undang-Undang Tubuh Kerajaan Negeri Sembilan yang memperuntukkan dalam Bab 5 (1) Ceraian 14 (1) sebagaimana yang dijelaskan dalam bab-bab yang lalu.

Bahkan dalam penyelenggaraan untuk mengujudkan keharmonian hidup dikalangan masyarakat antara bangsa pun hak asasi itu tetap mendapat tempat yang wajar. Ini terbukti dalam perisytiharan Plagam Hak Asasi Manusia Sejagat, 1948 yang mengisytiharkan seperti berikut:-

" Adalah menjadi satu perkara yang mustahak, jika kita tidak mahu manusia memberontak terhadap pemerintahan kaku besi, kekejaman dan penindasan, maka hak-hak asasi manusia wajiblah dilindungi oleh kedaulatan Undang-Undang ."

Demi untuk menjaga hak-hak asasi itu maka kuasa yang ada pada Kerajaan dan Dewan Tertinggi 'Adat dinegeri ini harus pula dirujuk kepada Perlembagaan yang tercatit untuk melaksanakan tugas Undang-Undang. Kuasa itu tidak boleh digunakan mengikut hawa nafsu.

Kelanjutan kekosongan jawatan Undang Luak Sungai Ujong Yang Ke-10 ini mungkin disebabkan oleh:-

- (1) Adanya penyelewengan dari ketua-ketua 'adatnya sendiri.
- (2) Kecuaian dan kelembapan pihak Dewan Ke'adilan dan Undang dan mungkin ketidak-mampuan anggota-anggotanya atau ada pihak anggota-anggota Dewan mempunyai kepentingan dengan menggunakan kesempatan dari krisis ini sebagai peluang mereka yang mengandungi unsur-unsur niat untuk memenuhi kehendak sesuatu pihak serta cuba memutar-belitkan Undang-Undang dan Perlembagaan yang termaktub.
- (3) Kelemahan pentadbiran Kerajaan yang tak dapat mencari jalan untuk mengatasi krisis ini atau mungkin ada jalannya tetapi tidak diusahakan dengan alasan tidak bolih campur tangan dalam masa 'alah 'adat .
- (4) Atau pihak Kerajaan lebih suka kekosongan jawatan penting ini berlanjutan sebab Kerajaan dapat menyelamatkan sebahagian peruntukan yang diperuntukan kepadanya.

Tetapi walau apa pun yang telah dan akan terjadi amatlah tidak wajar sekali pihak Dewan Keadilan dan Undang dan pihak Kerajaan sengaja membiarkan kekosongan jawatan Undang Luak Sungai Ujong Yang Ke-10 ini berlanjutan sehingga memakan masa lebih dari tiga tahun. Perbuatan ini amatlah bertentangan samasekali dengan konsep 'Cekap, bersih dan amanah' yang dijadikan slogan Kerajaan. Malah dari segi lainnya ternyata menunjukkan kelemahan pentadbiran Kerajaan Negeri juga kelembapan pihak Dewan Ke'adilan dan Undang sebagai Dewan tertinggi 'adat disamping ketidak-mampuan anggota-anggota Dewan dalam memberikan pandangan dan

nasihat dalam menyelesaikan masa'alah per'adatan yang jika mengikut lunas peraturannya boleh diselesaikan dalam masa yang singkat kerana Perbilangan 'adat itu sendiri ada menga-takan:-

" Tak ada kusut yang tak boleh diselesaikan
Tak ada keruh yang tak boleh dijernihkan
Kusut rambut cari minyak dan sikat
Kusut benang cari hujung dan pangkal."

Ungkapan ini bermakna semua kekusutan itu bo-
lih diatasi asalkan sahaja mereka yang bersengketa mahu
mengikut peraturan dan garis panduan yang juga diselaraskan
dari Perbilangan 'adat yang berbunyi:-

" Sesat dihujung jalan balik kepangkal jalan
Sesat dihujung kata, balik kepangkal kata
Salah patuk dikeluarkan
Salah luluh dimuntahkan
Salah bertimbang, "kufur bertaubat ."

Tetapi nampaknya yang salah tetap tak mahu menga-
ku akan kesalahan dan kesilapan mereka, seumpama dua Lembaga
Tiang Balai yang terlibat iaitu Dato' Andelika Mendelika Mohd
Fadzil bin Nordin dan Dato' Dagang Paroi Mohd Nor bin Abdullah
yang tetap angkuh dengan menentang segala garis panduan yang
diberikan oleh Dewan Ke'adilan dan Undang.

Sepatutnya penyelesaian persengketaan ini boleh
dilakukan lebih awal sekali pun tanpa Dato' Andelika Mendeli-
ka dan Dato' Dagang Paroi dengan syarat pihak Dewan dan pihak
Kerajaan sama-sama 'arif dan bijaksana tentang selok belok
per'adatan, berwibawa, 'adil dan tegas melaksanakan tugas dan
amanah. Tak ada sebab Undang Luak Sungai Ujong Yang Ke-10 ini
tak boleh diwujudkan. Tetapi disebabkan Dewan Ke'adilan dan Un-
dang sendiri kadang kala tak dapat berfungsi sebagai Dewan un-
tuk melaksanakan ke'adilan dan amanah. Sebagai contohnya ini
pernah terjadi sebelum ini dalam pertikaian 'adat Luak Sungai
Ujong dimana Dewan Ke'adilan dan Undang cuba menidakkan andaika
dan kuasa Undang Luak Sungai Ujong dengan membuat arahan su-

paya pemilihan pesaka Dato' Muda Linggi (yang secara langsung dibawah tadbir Undang Luak Sungai Ujong) dilaksanakan melalui sistem ala-pilihanraya tanpa persetujuan Dato' Kelana Petra Undang Luak Sungai Ujong. Tindakan Dewan ini juga ternyata dilakukan luar dari peraturan 'adat istiadat yang teruea dan terpakai dalam Luak Sungai Ujong khasnya dan dikeseluruhan Negeri Sembilan 'amnya. Dan apa yang menjadi pokok persoalan bahawa pehak Kerajaan Negeri juga turut terlibat dengan mengeluarkan peruntukan yang agak besar dalam pelaksanaan pemilihan cara ala-pilihanraya itu dibuat sedang hasilnya adalah menghampakan . Bak kata orang , " arang habis , besi binasa, tukang berkerja penat sahaja."

Sepatutnya tindakan yang seperti ini bolih dijadikan satu panduan oleh Pehak Dewan mahu pun pehak Kerajaan supaya pisang tak berbuah dua kali. Jika diteliti dalam masaalah pertikaian perlantikan Dato' Muda Linggi ini yang tertakluk dibawah tadbir Luak Sungai Ujong bahawa Tindakan Dewan Dewan Keadilan dan Undang sendiri adalah bercanggah dengan Perlembagaan dan Undang-Undang. Hal ini dapat diketahui bahawa ada diantara anggota-anggota dari Dewan berkehendakkan calon Dato' Muda Linggi dilantik untuk memenuhi kehendak sesuatu pehak . Tetapi walau bagaimana pun sesudah adanya protes dan kecaman dari pehak yang mempertahankan keunggulan sistem 'adat berpandukan Undang-Undang Tubuh Kerajaan Negeri Sembilan, 1959 di perenggan 32 yang berbunyi :-

" BAHAGIAN PERTAMA

32. Dikecualikan sebagaimana yang ada dinyatakan dalam ini, maka bahagian ini tiadalah menyentuh Aturan dan Adat Negeri Sembilan zaman Purbakala, tetapi aturan dan Adat zaman Purbakala itu mana-mana yang tidak berlawanan kehendaknya dengan Bahagian ini akan berjalan seperti dahulu juga ."

maka Dewan telah menyedari akan kesilapannya telah memulang-kan kembali hak mutlak Undang Luak Sungai Ujong untuk melantik Dato' Muda Linggi mengikut sistem 'adat Luak Sungai Ujong dan mengikut apa yang termaktub di perenggan 32 Undang-Undang Tubuh Kerajaan Negeri Sembilan, 1959 seperti yang disebutkan diatas.

Engitu pula dalam pertikaian sekarang ini iaitu pertikaian bagi menentukan pesaka 'Dato' Kelana Petra Undang Luak Sungai Ujong sendiri maka Dewan Ke'adilan dan Undang Negeri Sembilan tidak sewajarnya melakukan kesilapan lagi dengan mengambil kira bahawa 'Adat di Sungai Ujong ini adalah hak Sungai Ujong, dan dalam Teromba 'Adat Luak Sungai Ujong ada dijelaskan bahawa Pesaka Kelana itu adalah hak Waris Kelana, sedang Waris Kelana itu ada Tua Lembagaanya yang menjadi ketua pemegang teraju bergelar Dato' Maharaja' Lela untuk menarajui dan mengawasi segala gerak-langkah Waris-Warisnya. Dicatitkan juga bahawa Tua Lembaga Waris Kelanalah yang memegang tali pesaka yang ditakrifkan bolih menentukan seseorang calon Undang. Tetapi Dato' Andelika Mendelika cuma menerajui tali 'adat diperengkat Balai yang kurang pengetahuan untuk menilai hak pesaka apa lagi Kedudukannya sebagai Tiang Balai Utama Luak Sungai Ujong beliau tidak mempunyai hak menentukan bench dan calon. Malah disegi 'adatnya beliau hanya bolih menerima calon yang dikemukakan oleh Lembaga Waris Kelana sesudah diproses mengikut 'adat. Bahkan dalam 'Adat Sungai Ujong Dato' Andelika Mendelika itu sendiri tidak akan berfungsi kedudukannya kalau tidak diiringi oleh Lembaga Yang Tiga; sebab itu 'adat Sungai Ujong menyelaraskan Perbilangannya yang berbunyi:-

" Tiga Persukuan Satu Lembaga ."

Demikian juga seterusnya apa juga bentuk dan bidang kuasa Dato' Dato' yang lainnya sekali pun Dato' Shahbandar mengaku mempunyai hak tetapi mengikut takrif hak dilengkongan perbatasan masing-masing disegi 'adat istiadat namun hak dilengkongan menentukan 'Pesaka Undang' hanya terhad kepada waris-warisan Kelana sahaja.

Dato' Maharaja Lela,
 Zamhari bin Haji Abdul Rahman,
 Telapak Dato' Maharaja Lela,
 Kampung Bahru Pantai,
 SEREMBAN.

بِسْمِ اللّٰهِ الرَّحْمٰنِ الرَّحِیْمِ

1407 رمضان 14
 12hb. Mei, 1987

Kebawah Duli Yang Maha Mulia,
 Tuanku Yang Di-Pertuan Besar Negeri Sembilan,
 d/a Istana Hinggap,
 SEREMBAN,

Ampun Tuanku beribu-ribu ampun,
 Sembah patik mohon diampun,

Adalah patik Dato' Maharaja Lela sebagai Tua Lembaga Waris Kelana berserta Lembaga Tiga Persukuandi-Pantai merafakkan sembah ta'zim Kebawah Duli Yang Maha Mulia Tuanku sebagai raja yang berkeadilan, maka tiadalah sekali-kali patik sakalian berpaling sembah untuk melaksanakan tugas dan tanggung-jawab patik bagi menyempurnakan perlantikan Undang Luak Sungai Ujong Yang Kesepuluh ini.

Setelah diperbincangkan dengan teliti melalui Ibu-Ibu Soko dan Waris-Waris serta diperkuatkan oleh Lembaga Yang Tiga iaitu :-

1. Dato' Menteri (Suku Semelenggang)
2. Dato' Raja Dimuda (Suku Biduanda)
3. Dato' Maharaja Inda (Suku Batu Hampar)

Ketiga-tiganya ini berfungsi sebagai penyuluh
'adat di-Pantai atau dengan perkataan lainnya mengikut per-
bilangan 'Adatnya :-

" Menebang kayu nan sebatang
Mencanteh akar nan sehelai
Melambuk tanah nan sabungkah
Membuka-belah negeri berpenghulu ".

Maka balatlah patik patik sakalian memilih Ra-
ja Azman bin Raja Amir dari Perut Hilir menyandang Pesaka
Dato' Kelana Petra Undang Luak Sungai Ujong Yang Kesepu-
luh.

Patik bagi pehak Dato' Dato' Lembaga Luak Su-
ngai Ujong serta ahli-ahli Waris sakalian menjunjung ka-
sih atas lempah kurnia Kebawah Duli Tuanku bagi menyegera-
kan perlantikan ini.

Sekian, adalah patik patik pacal yang menjun-
jong titah.

.....
(DATO' MAHARAJA LEILA)
ZAMHARI BIN ABD. RAHMAN

.....
(DATO' MENTERI)
SAHAL BIN ABD. RAOF

.....
(DATO' RAJA DIMUDA)
HJ. ZAINUDDIN BIN MUSA

.....
(DATO' MAHARAJA)
ABD. GHAFAR BIN
HAJI TAHIR

Mudah-mudahan Allah memberkati usaha kita mempertahankan hak.

Mudah-mudahan Allah memelihara perpaduan kita demi untuk menegakkan kebenaran.

Mudah-mudahan Allah memberikan taufiknya kepada kita di masa kita menempuhi kesulitan.

Mudah-mudahan Allah akan mengampuni segala dosá dan kesalahan kita.

5. DAN apakala sampai pada hari raya yang kedua di-dalam atoran yang dahulu tiada-lah pula **Undang Yang Empat** datang mengadap beta di-dalam Istana Seri Menanti melainkan boleh diperbuat-nya apa-apa peratoran di-dalam luak-nya masing-masing, akan tetapi jikalau beta membuat sa-suatu pekerjaan yang besar seperti nikah kahwin dan sunat rasul beta persilakan **Undang Yang Empat** hendak-lah **Undang Yang Empat** menyempurnakan dari hal itu.
6. JIKA Yang Di-Pertuan itu mangkat maka sa-harus-nya-lah **Undang Yang Empat** itu membawa persembahan emas manah alakadar masing-masing dan saperti wang emas manah itu sa-patut-nya dikeluarkan daripada Kerajaan Negeri Sembilan.
7. **SHAHADAN** hendak-lah **Undang Yang Empat** itu berkebulatan dan berkerapatan memilih di-dalam putera itu di-tabalkan jadi Yang Di-Pertuan mengikut sa-bagaimana istiadat peratoran menabalkan Yang Di-Pertuan dahulu itu juga, demikian-lah ada-nya.

Termaktub pada 8 haribulan Zulhijjah
sunnah Muhamadiyah 1315 berbetulan dengan
29 haribulan April, Tahun Masehi 1898.

Perjanjian ini di-tanda-tangani oleh Tuanku Muhammad Shah, Tuan E. W. Birch British Resident, Dato' Kelana Putera Ma'amor dan Dato' Bandar Haji Ahmad, Dato' Jelebu Abdullah, Dato' Johol Saeto dan Dato' Rembau Haji Siron bin Sidin.

Dinukil kembali dari buku

" NEGERI SEMBILAN DAN SEJARAHNYA "

Olih: Abdul Samad Idris

Sekarang Tan Sri/Dato'

(M.S.42)

Address to the new Dato' Klana read by the Dato' Andika on
26th March 1946

"Adat Istiadat di-dalam Luak Sungai Ujong, Negri Sembilan.

Isa itu siapa jus menjadi Undang Luak Sungai Ujong hendak-lah menjalankan atau memakai 'adat istiadat (peraturan) ini,

1. Di-anjak layu di-chabut mati dus perkarz
 - (a) 'adat yang berlukis berlembaga bertunggal berpemaranan
 - (b) hukum yang berhadis berperman dan kitab yang berlapaz berma'ana.
2. Lembaga Tiang Balai
 1. Dato' Andulika Mandulika
 2. Dato' Maharaja di-Raja
 3. Dato' Akhirzaman

dan menchukupi smpat dengan salah ss-orang daripada dato' yang bergajali tunggal.

3. Dato' bergajali tunggal ia-itu bukan-nya Lembaga Tiang Balai.
 1. Dato' Muda Labu
 2. Dato' Dagang Paroi

4. Undang memerintah di-dalam luak, lembaga memerintah di-dalam lingkungan, tua memerintah di-dalam suku, ibu bapa memerintah anak-buah-nya.

5. Chari-charian dalam anak buah; kusut menyelesaikan terhak kepada ibu buapa. Tidak habis pada ibu buapa pulangan kepada tua, ia itu salah memberi benar-nya, terhak kepada tua. Tidak habis pada tua di-sampaikan kepada lembaga. Bertunggal di-tarah jika kesat di-mempelasi. Jika habis pada lembaga kata sudah perbuatan habis. Jika tidak habis pada lembaga di-sampaikan kepada Undang, ia itu keras minta takikkan and tinggi mints sigaikan kepada Undang.

6. Sah batal kepada lembaga; hidup mati kepada Undang; tali pengikat pada lembaga; pedang memanchong pada keadilan.

7. Undang dudok kepada 'adat Undang. Lembaga dudok kepada 'adat lembaga. Tua dudok kepada 'adat tua. Ibu buapa dudok kepada 'adat ibu buapa dan anak buah dudok kepada 'adat anak buah.

8. Tus di-dalam waris Undang
 - (a) Waris Ulu Dato' Johan tetap di-Ulu sahaja.
 - (b) Waris Ilir Dato' Maharaja Lela tetap di-Ilir sahaja.
Ibu buapa-nya Dato' Lela Bangsa, Dato' Sisma Menteri, tetap di-Ilir sahaja.

J. M. Gullick 1949] *Royal Asiatic Society.*

Journal Malayan Branch [Vol. XXII, Pt. II,

(M.S.66)

"اللَّهُ رَبُّنَا وَرَبُّكُمْ لَنَا أَعْمَالُنَا وَلَكُمْ أَعْمَالُكُمْ لَا حُجَّةَ بَيْنَنَا
 وَبَيْنَكُمْ اللَّهُ يَجْمَعُ بَيْنَنَا وَإِلَيْهِ الْمَصِيرُ. رَبَّنَا افْتَحْ
 بَيْنَنَا وَبَيْنَ قَوْمِنَا بِالْحَقِّ وَأَنْتَ خَيْرُ الْفَاتِحِينَ."

"Allah Tuhan kami dan Tuhan kamu, untuk kami amalan kami dan untuk kamu amalan kamu, tak ada faedahnya perbantahan diantara kita. Allah akan menghimpunkan antara kita dan kepadanya tempat kembali. Ya Tuhan kami berilah keputusan antara kami dan kaum kami dengan kebenaran dan Engkaulah sebaik-baik Hakim."